


Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
999/A






Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
999/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
999/A



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
999/A

38672

H. XLII

16/6

999/A

Collected  
by [illegible]

9/13

30/2

DE





DE CVRANDIS  
VV LNERIBVS  
SCLOPETTORVM,




AVTHORE LEONARDO  
BOTALLO ASTENSE  
MEDICO.



VENETIIS.  
Apud Franciscum Rampazetum.





DE CARANDIS

A. V. E. N. I. S.

REGIOMONTANUS




A. V. THORPE. LEONARDO

BO. T. A. L. I. O. L. E. V. A. N. T. E.

M. T. T. T. T.



A. V. T. H. O. R. P. E. L. E. O. N. A. R. D. O.  
B. O. T. A. L. I. O. L. E. V. A. N. T. E.




ILLVSTRISSIMO  
ATQVE EXCELLENTISSIMO  
VIRO CAROLO COSAE O  
BRIXIACENSIS,

Tribuno Martiali, & in Subalpina  
Liguria Proregi meritissimo,

LEONARDVS BOTALLVS

Medicus suus salutem pluri-  
mam precatur.



ON corporis robore,  
vel artuum dexterita-  
te, illustrissime atque  
excellentissime Pro-  
rex, humanum genus  
ceteris animantibus  
præstare videmus, ve-  
rùm hercle intelligentia ipsa, qua cum  
moderatis viribus, vniuersis, quæ sub Na-  
turæ imperio sunt posita, facile



mur, utimurq; prout libet, uel nobis sit  
utile, aut quidem necessarium Qua item  
interea ductibus bonæ indolis homines,  
varijs studijs, diuersisq; officijs ac arti-  
bus se addixerunt, ita ut ad temperatam,  
honestam, iucundamq; vitam nil amplius  
deesse videatur. At Natura officiola non  
modò corpus membris munitum ad om-  
nia terrena negotia paratis, & mentem  
ad contemplationem, distinctionem, at-  
que rerum electionem nobis plus ceteris  
sibi subditis elargiri cõtenta fuit, verũe-  
tiam supra hæc, ut linguæ integro mune-  
re fruercmur, effecit, ad nostræ mentis  
conceptus significandos, & passionēs ef-  
fingendas, quæ sensuum beneficio nobis  
afferri solent. Quæ omnia veluti sub nube  
perpendens, quum adolescentiam age-  
rem, frequenter contemplabar, nil un-  
quam concludens, præterquàm inmeri-  
tissimum prouidæ Naturæ beneficij esse  
hominem, qui tempus desidiosè conte-  
rens, præstantissimam animæ partem so-  
pitam, sepultamque relinqueret, aut il-  
lam in rebus humilibus, uel abiectis dam-  
nandis ue occuparet. Hinc euentum est,  
vt quadam discendi cupidine, ueluti sti-  
mulo cõcitatus ab hinc annos tredecim  
fidei. Philosophiæ ac Medicinæ me to



3

tum tradiderim, in quibus sub nutu, uel  
potius fauore excellentię tuę adhuc assi-  
duus versor. Atqui mihi interea loci quo-  
rundam neotericorum authorum scri-  
pta legere accidit, De curandis sclopet-  
torum uulneribus inscripta, quę cum di-  
ligenter examinauerim, & rationis atq;  
experientię omnino uacua esse cognoue-  
rim, fore utile multis in futurum existi-  
maui, si in re hac, quantum experientia  
colligere, ac ratione comprobare potui  
(perinde ut uires meę usque adhuc ferre  
potuere) exponerem. Quod nunc per a-  
ctum opus excellentię tuę dicare non du-  
bitauī, sperans id nō humiliorem locum  
in tuo conclauī rerum memorabilium  
possessurum, quā ego in honestissima,  
magnificentissimaq; domo tua. Nam re-  
gum, Principum, magnorumq; virorum  
domus, quales, quantęq; ipsę re fuerint,  
singularum bibliothecę, rerumq; memo-  
rabilium conclauia, imitantur. Quamo-  
brem ut hoc meum munusculum sper-  
nas, causa non est. Suscipe id igitur eo  
animo, ac tibi dicatum est. Offertur uti-  
que hilari, atque sincero. Et quanquam  
eiusmodi lectione nō itidem oblecteris,  
atque philosophorum scriptis, uel mathe-  
maticum cuiuscunque generis, siue politi-

A 3



torum, aut historiographorum, uel iis  
omnibus, quæ ad bellicam facultatem  
spectant sciētis, utiq; tuo nomine tuoq;  
acutissimo (vt vera fatear) ingenio di-  
gnis, circa quas sic apprimè te exercita-  
tum esse compertum est, ut formidet sa-  
gax quicunque miles, seu cohortis præ-  
fectus, siue architectus, uel quantumuis  
in regendis ciuitatibus instructus do-  
ctor, qui de iis te præsentè (Polemarce  
dignissime) sit uerba facturus: plurimi  
tamen faciam, si hoc quandoque tantum  
apud te valere intellexero, vt uel pan-  
lulum beneuolam memoriam mei tibi de-  
ditissimi refricare possit. Faxit Deus, vt  
diu, & fœliciter uiuas. Vale.

**N**ON modò mitis humano generi Natura fuit, uerū etiā (si dicere liceat) plusquā par esset munifica. Nā cū inter mortales pauci admodū contra pestiferā cupidinis stimulos niti ausint, sic illa pectora & mentes hominum inuasit, ut aequē ijs ac regina dominetur, imperetq;. Hinc fit, ut nemo sua sorte contentus uiuat, sed alius alium iugiter opprimere nitatur. Quare mœnia, castra, arces, innumeraq; armorū genera quisq; struere cœpit. At multorū uersuta mēs hominum, usque prona magis in res improbas, ac immanes etatē agere, quā inofficiosas, ac honestas, se ipsam exercere, nouum aliud, ac (inter cetera, quæ hac etate sint cognita) perniciosissimū armorum genus excogitauit, quod Sclopetiū appellatur, hoc (inquā) cū antiquis scriptoribus cognitū nondum fuerit, nil propterea quòd speciale esset de eorum uulnerum curatione scribere potuere, quod hercle diu imperitis chirurgis, & (quod magis molestū fuit) miseris patientibus, negotium facessisse censendū est: quod erroris genus facile subterfugi poterat, si, qui ante etatē nostrā fuere medici, in scriptis Aristotelis, Hippocratis, & Galeni sapiūs insudassent, à quibus, & nos, & quoscunq; artem medicam facilius delectabit, & dogmata decerpere, & curandorum omnium morborum methodum,



Et causarum inueniendarum modum perdifcere  
oportet, licet singula, quæ nobis euenire possunt,  
nō enumerarint, ut qua ratione uulnus curandū  
sit, quod cornu bos intulit, et aliud, qđ pede, quoq;  
modo quod ab ebore, buxo, siue marmoreo lapide,  
aut (si malis) quod à quadrigę themone sunt esse  
ēta. Scientiarum porrò nulla in hunc modum ex-  
poni solet, trigonum rectilineum omnem tres duo  
bus rectis æquivalentes includere angulos: itē Et  
quosunque in eadē circuli portione super arcum  
cōstitutos inter se pares esse, siue in marmore, uel  
ære, uel alia quauis materia fuerint constituta,  
profert, intelligitq; Geometra, nulla earum rerū,  
quibus formari unaquaq; figura potest, memoria  
proditā. Nō secus Physici scripsere, quū quacū-  
que causata propter sua principia magis valere,  
uel homogenea esse nutrienda, cum ijs, quæ nu-  
triant, protulerunt: sub silētio prætereūtes in qui-  
bus hæc oīa euenire possint. Cū hæc scribere insi-  
pientis erat, futiliaq; , quanquam ab imperitis, ac  
rudioribus frequēter exoptētur, quibus medius  
fidius scripta relinquere prisci sapiētes nō puta-  
rūt, sed ijs, qui (cū iudicio polleāt) et mēte, et ope-  
ra, vniuersalia rectē particularibus accommodare  
conātur, qua uia nos hoc genus uulneris, de quo  
nūc tractare suscepi, curare didicimus, nec nō alia  
quorū curā, si nostris institutis arriserint astra,  
Et gratū pluribus sapiētibus fore hoc nostrū opu-  
sculū intellēxero, exponere parabo. Valete.





DE CVRANDIS  
VV LNERIBVS  
SCLOPETTORVM,  
AVTHORE LEONARDO  
BOTALLO ASTENSE  
MEDICO.



*V* o' tota oratio cla-  
rior reddatur, primò  
quid sit genus, quod  
intendimus, describe-  
re conueniet, deinde  
quomodo finem opta-  
tum assequi possit me-  
dicus, chirurgus'ue,  
qui rem tractabit, ex-

ponere, non dissidendo à famigeratorum scripto-  
rum scientia, non antiquorum modò, uerū etiam  
recentiorum, ubicunque illam ratio comitabitur:  
etsi quiequam boni in hoc genere à nobis inuen-



## DE CURANDIS VVL.

tum sit, (quod non minimum fore existimamus) adiungendo, omisso omni animi gloria, ac tantum tuenda ueritatis desiderio motus, patientibusq; occurrendi, ubicunque ars prodesse poterit. Dicimus igitur subiectum nostri negotij esse, uulnus cum cōtusione, laceratione, ac sæpius cum ossium fractura, à sclopettorum glande factum. Verum antè, quàm ulterius progrediamur, cum inter scriptores neotericos, qui de hac re ex professo tractare susceperunt, nonnulla sit de puluere huius instrumenti disceptatio, dignaq; discussione: non erit opere indignum, circa eam paululum laborare. Dicunt autem aliqui, puluerem hunc uenenosum non esse, alij seuentes negant, argumenta frangunt, & contrariam opinionem lenioribus medijs fulciunt. Quare scrutandū erit, quisnam in hoc negotio melius senserit. Nam errantium alius ex falsis falsum, & alius ex falsis aliquid ueri condidit, inter quos Alphonsum Ferrium, et Ioannem de Vigo in medium ducimus. Hic principijs falsis utitur, cum puluerem, ac eius medio uulnus illatum uenenosum dicat, ac uisum: curas uerò quodammodo principijs suis contrarias, ut facile indicare poterit quisquis eum iudicio eius scripta legerit. Alphonsus & falsum concludit, & falsa posuit principia, sibi ipsi sæpius contraria dicens. Puluerem enim, et glandem ab eo proiectam, uenenosam esse, ex consequenti & uulnus: ostendit autem id (refert) eius compositio,

Alphonsi ra  
tio.

„

„



SCLOPETTORVM. 6

constans ex sulphuris parte una, nitri partibus  
decem, carbonis parte una, sulphur ad quartum  
caliditatis gradum accedens, nitrum ad finem se-  
cundi, ex quibus constat totum cōpositum, quar-  
to caliditatis gradu detineri. Hæc Alphonsus.  
Quis (quæso) iudicij tantum expers erit, qui di-  
cat decem partibus aquæ mediocriter calidæ, uni-  
cam binas uel feruentis, si addideris, totam miscel-  
lam feruentissimam reddi? Certè neque Aristoteli,  
neque Auerroei, neque Galeno, neque alicui  
sapientum authorum, neque rationi, minusq; sen-  
sui arridet hæc sententia, imò feruentissimam fer-  
uentissimam, si addamus, totam miscellam feruen-  
tissimam dicimus. Sic si calidum in quarto calido  
in quarto addas, in quarto calida erit miscella,  
et omnino frigidam æquis portionibus feruentissi-  
mæ si addideris, quis medium ex his conflari ne-  
gabit, quod temperatum dicitur? Et feruentissi-  
mæ si decuplum mediocriter calidæ admiscueris,  
hanc aliquantulum reddes magis calidam, illam  
uero minus. Quomodo igitur fatendum erit, pul-  
uerem hunc attingere quartum caliditatis gra-  
dum, si partium nulla ipsius illuc accedit, neque  
nouam aliquam formam ab ea quæ mixta est, ac-  
quisierit? Sed detur quod illuc attingat, neque  
ex hoc deducet uenenum fore: ferrum namq; can-  
dens, flamma, uiuacesq; carbones, piper, piperi-  
trum, & similia uenenum diceremus. Sunt qui-  
dem uenena omnia in se lethifera, non hercle uice



## DE CURANDIS VVL.

uersa, quicquid lethiferum, illud & uenenum est.  
 „ Alia ratio Alphonsi: Argumento etiam sunt  
 „ eius artifices, qui confectionis tempore ab acri-  
 „ bus abstinent, ut cape, alium, & cætera huius  
 „ generis, & experientia autẽ (& si causam igno-  
 „ rent) ea sibi obesse cognouerũt. Sed quid dicemus  
 de hoc genere mediũ, nunquid uenenositatem pro-  
 bet aliquam pulueri inesse? Absit. Imò calidita-  
 tem. Nam ultra calorem, qui motu augetur, ci-  
 bis item acribus altus artifex sanguine calidior  
 spiritibusq; redditur, quod si tundendo acria, eo-  
 rum subtilissimum pollinem in pulmones traxe-  
 rit inspiratione, nemo est qui magis eas partes ca-  
 lescenti neget, ex consequenti læsionem aliquam se-  
 qui posse, cuius causam ignotã esse inconsultò di-  
 „ cit. Deinde ut magis suam roboret opinionem, pu-  
 „ trefactionem, mordicationem, rosionem, ulcera-  
 „ tionem, & corruptionem esse uenenum comitan-  
 „ tia propria symptomata affirmat, ac si putrefa-  
 ctionem non faciat prohibita transpiratio calido-  
 rum & humidorum humorum, uel alterius par-  
 ticulae putridæ continuïtas, uel contiguitas, ut in  
 putridis ulceribus perpetuò uidemus, & alia præ-  
 ter hæc multa uel non mordicet, rodatq; bilis fla-  
 ua, si ad ulcera feratur, uel mel, aut æris flos, uel  
 aliud quippiam simile, si apponatur, uel hæc ea-  
 dem bilis, & atra non ulcereut, non corrumpant,  
 si in aliquam partem abundanter corruant. Ecce  
 quàm bene hæc ueneni propria dici possint, quum



ea ad bis mille alia sequi posse sit compertissimū,  
 & ad hoc, quod genus ueneni dicit, nec semper se-  
 quantur, nec ut plurimum subiungit: Sed quotū  
 gradum ueneni habeat hic puluis, siue à tota sim-  
 plicium compositione, à qua prouenit, formam,  
 quam specificam dicimus, non autem quia calidus  
 neque siccus, sed quia talis sit, seu uis ea ab eui-  
 dentibus facultatibus prodeat (ut dictū est) igno-  
 ratur, perpetuoq; (ut existimo) ignorabitur. Sed  
 & hæc quis non uidet inter se pugnare? Dicere  
 scilicet effectum aliquem ab aliqua posse euiden-  
 te causa prouenire, quæ tamē occulta nondum in  
 lucem proditura sit. Præterea nunc dicit, Non  
 quia calidus & siccus, sed quia talis: ac si supra  
 non conatus fuisset ostendere compositionem hanc  
 uenenosam esse, quia ad quartum caliditatis gra-  
 dum accedere existimabat. Quātum igitur leui-  
 tatis habeat totus eius sermo, satis patere existi-  
 mo legentibus, qui rationabiliter artem tractāt,  
 ac quā debiles, à scopoq; aberrantes sint eius  
 rationes, & alij præter me norunt, ut ipse in suo  
 corollario in fine eiusdē operis annexo, ubi etiam  
 frigidissimè aliquibus argumentis contra eum fa-  
 ctis respondet, accidentia quæ huic morbo propria  
 esse existimat, allegando. Præterea & uenenum  
 ueneno esse remedium, de scorpione exēplum af-  
 ferendo, qui proprio morsui sit remedium. Quis  
 (quæso) adeo ingenio rudis erit, qui ueneno scor-  
 pi eodem ueneno succurrat? Oporteret iterum si



## DE CURANDIS VVL.

quidem pungere, et guttam ueneni reiaculari, ut  
 scorpium lacerando agit, si uenenum eodem ueneno  
 curare uellemus. Scimus enim & rosam punctu-  
 ra propriae spinæ esse remedium, non tamen si ea-  
 dem spinâ repupugeris curabis. Quis iterum uipera-  
 rum morsum, morsu reiterato sanare tentabit? et  
 tamen illarum pinguedo, & ex ijs confectum me-  
 dicamentum theriaca dictum, præstantissima sunt  
 remedia, uerum tamen reiectis extremis, in quibus  
 magis niget uenenum, media uerò earum corpo-  
 ris parte sic bene ac diuturnè iota, concocta, ac cū  
 aromatibus confecta, ut nullum penitus præ se fe-  
 rat amplius ueneni uestigium. Sed ijs omissis, ra-  
 tionem aliquam (si habeamus) in medium ferre  
 tempestiuum est, ne nos nudis affirmationibus sen-  
 tentiā nostram fulcire quisquam existimet. In-  
 seramus igitur primò, ac ut axiomata ponamus  
 nonnullas philosophi propositiones, Naturā scili-  
 cet dare tantum de consequentibus formam, quā-  
 tum de ipsa forma. Item quando commistilia po-  
 tentijs adæquantur, tunc utrūque transmutatur  
 in dominans ex sui ipsius natura, nec generatur  
 alterum, sed in diuin commune. Præterea quæ  
 miscentur adinuicem, corrumpere intentiones ne-  
 cesse est, non tamen in omnino alienas, contra-  
 riasq; transmutari. Item idem, & similiter se ha-  
 bens, semper natum est facere idem. Ab ijs dica-  
 mus, uenenum esse, quod facultate propè occulta  
 naturæ humanæ sic contrariatur, ut quātumuis

Veneni de-  
 scriptio.



SCLOPETTORVM. 8

paucum, uel ore deuoratum, uel odore perceptum,  
 uel externis partibus applicitum non possit ullo  
 modo concoqui, alterari, nec expelli, sed partem  
 potius coniunctam sibi corrumpere, reliquasq;  
 circumiacentes ex consensu afficere tentans, do-  
 nec totum animal sit extinctum: nisi uirtus pa-  
 tientis ualentior sit, aut alexipharmatis occurratur.  
 His positis lucidissima erit sententia nostra.  
 At quum debeat quicumque cupidus nosse natu-  
 ram alicuius rei, primo scrutari naturam eorum,  
 ex quibus illa componitur, uidendum erit igitur  
 quid ueteres scriptores sentiāt de partibus huius  
 misti, deinde utram ex mixture, uel potius ex  
 transmuta mutatione eorū, uel alia causa quic-  
 quam uenenosi sequi possit, perscrutabimur. Sul-  
 phur (inquit Dioscorides) optimum existimatur  
 uiuum, quod apyron uocant, nitidula modo splen-  
 didum, perlucens, minime lapidosum. Probatum  
 in genere sulphuris ignem experti, quod uret, ac  
 praepingue spectatur, plurimum in Melo, & Li-  
 para gignitur. Supradictum sulphur calefacit, di-  
 scutit, & celeriter concoquit: prodest tussibus, su-  
 spiriosis purulenta extussientibus in ouo sumptū  
 aut suffitum: praeterea partus, usti nidare extra-  
 hit: lepras, lichenas, scabros ungues, cum resina  
 terebinthina mistum aufert, cum aceto autem il-  
 litum ad lepras efficax est: uiriliginis tollit: scor-  
 pionis ictibus, addita resina, medetur: cum aceto  
 uerò, draconis marini scorpionisq; plagas sanat.



# DE CURANDIS PVL.

„ Pruritus toto corpore erumpētes, cum nitro de-  
 „ tersum, sedat: regium morbum emendat insper-  
 „ sum fronti cochlearis mensura, aut in sorbili ouo  
 „ sumptum. Facit ad grauedinem, & destillatio-  
 „ nes: sudores quoque conspersum inhibet: podagri-  
 „ cis, cum aqua & nitro illitum, conducit: graui-  
 „ tatem auditus, suffiti nidore raptim per fistulam  
 „ hausto, sanat: lethargicos suffitu excitat: erum-  
 „ pentem undecunq; sanguinem sistit: contusis au-  
 „ ribus, cum uino, & melle medetur. Præfertur ni-  
 „ trum leue, roseo colore, aut candido, in foramina  
 „ dehiscēs, perinde quasi spongiosum quiddam, qua-  
 „ le ex Bunis affertur. Humores euocat, qui in al-  
 „ to concreuerunt: spuma nitri optima esse puta-  
 „ tur, lenissima, glebosa, friabilis, colore penè pur-  
 „ pureo, aut spumosa, & mordens: qualis ex Phila-  
 „ delphia Lydiæ defertur. Secunda est Aegyptia.  
 „ Quin & in Magnesia Cariæ gignitur. Vim &  
 „ uersionem salis habet, tam nitrum, quàm spuma  
 „ eius. Præterea nitrum tormina sedat, si tritum  
 „ cū cumino bibatur, in hyromelite, aut sapa, aut  
 „ aliquibus, quæ inflationes discutere possunt, uti  
 „ ruta uel anetho. Febris circuitu redeuntibus il-  
 „ linitur, ante suspectam accessionem. Miscetur em-  
 „ plastris, quæ extrahunt, & discutiunt, extenuāt,  
 „ & lepras absterunt. Cum aqua autem calida,  
 „ aut uino infusum, inflationes, purulentas aureis,  
 „ & sonitus earundem sanat: sordes expurgat, cū  
 „ aceto instillatum. Canum morsibus ex asinino  
 adipe,



## SCLOPETTORVM. 9

adipe, aut suillo medetur: resina terebinthina ad-  
 mistum furunculos aperit: aqua inter cutem cum  
 ficu illinitur: oculis ad claritatem uisus cum mel-  
 le succurrit: & uenenis fungorum ex posca potu:  
 aut si buprestis momorderit, ex aqua: ijs uerò qui  
 taurinum sanguinè biberint, ex lacerpitio, ijsque,  
 qui cibum nō sentiunt, utiliter obducitur: opistho-  
 tonisq; iam remissioribus & luxatis, cum cera-  
 to: in resolutione lingue, pani commodè permi-  
 scentur. Aliqui supradicta carbonibus urunt, su-  
 biecta prius testa noua, donec incandescent. Hæc  
 de Sulphure, & de Nitro Dioscorides, quæ ferè  
 omnia eodem more Galenus, Aëtius, & aliorum  
 plures recitāt. In quibus patet nihil uenenosi es-  
 se, non modò extrinsecus applicita, uerū nec ore  
 deuorata, nec odore percepta, sed neque in carbo-  
 nibus canabinis, saliceis, uel inglandū, qui in hac  
 mistura componuntur. Hos enim uero uidemus sæ-  
 pe pueros, & prægnantes, & pica laborantes ede-  
 re, non tamen ueneni more officere. Similiter &  
 horum in uulneribus applicitus puluis exsiccat:  
 & nos quandoque eam utilitate ægrorum exper-  
 ti sumus, ubi aliorum inueniendorum medicamē-  
 torum eiusdem potentiæ non dabatur facultas.  
 Sed nec dicemus uino uenenum inesse, uel aquæ  
 ardenti, uel aliquibus similium, quæ pro hume-  
 ctanda cōpositione adduntur, minus hercle uasi,  
 in quo tūditur: nam id per se manifestum est. Sed  
 nunquid missionis ratione (ut Alphonsus etiam

B



# DE CURANDIS VVL.

profert) aget fortasse mistum quicquam omnino diuersum facultatibus suarū partium? Non quidem, sed remittuntur, obtundunturq; misti partium potentiae adinuicem, si inter se diuersae, contrariae ue fuerint (ut suprà diximus,) mistis autem contingit, inter se aequaliter, proportionaliter ue agere, uel pati, ita quòd aliqua media qualitas, uel inaequalis inter equales, uel inaequales contrarietates proueniat. Prætereà et sensui compertissimum est, si in uulneribus, uel casu, uel cōsilio modestè apponatur, nō modò more ueneni conficere, sed medicamenti facultate exsiccare, abstergereq; (ut idem etiam attestatur Alphonsus.) Si igitur ratione missionis per se non probetur Alphonsi, aliorumq; eandem opinionem sequētium intentio, relinquitur ut hæc transmutationi (ut Alphonsus, qui illam fulguri comparat) adscribatur: uerū neque hanc illud præstare posse asserimus. Nam quum causata eodem modo necessitatis consequantur suas causas in rebus generalibus, ac in rebus æternis, grauioribus igitur mediis fidius symptomatis cruciarētur eadem flamma usti, quàm qui alijs ignibus, uel quàm qui uulnera ui eiusdem pulueris suscipiunt: quātò utiq; ualentior est agens & actio, et quæ ad ea sequuntur, tantò ualentiora esse debent in eodem passo. Vir fortis uno ac minimo digito centum si leuet è solo libras, quid obstat, quò ducentas non leuet, si tota manu, maiore ui ac diligentia fiat. Membri



igitur affecti tumiditas, inflammatio, corruptio, aliaque similia symptomata, uenena comitantia, flāma huiusmodi pulueris ustos (si uenenosa est,) uehementius cur non affligunt? Sensus enim omnium demonstrationum potissima sententiæ rationibusq; nostris quantū faueant, patere satis existimo ijs, qui in arte medica non mediocriter sunt uersati. Id nempe perpetuò obseruauī, cū in bello innumeros, uel tota facie, uel manibus, uel cruribus, alios simul cum ijs, & uētre, uel tergo re ustos conspexi, quos nihil immitius urgebat his, quos alia flamma flagrauerat, data affectus paritate. Sed de his usq; superq; quā satis est dixisse uidebor, quum planum fecero, quid & Alphonsus ac reliquos eandem opinionē sequentes à ueritate declinare fecerit. Decepti, me hercule, sunt non signū pro signo accipientes, ac qui debili uisu, uel longo interuallo intuentur, asserūt ignē alicubi existere, uapores pro signo ostendentes, quos fumū esse crediderunt. Similiq; modo Alphonsus, ac alij nonnulli gangrēnā cū uiderint paulò frequentius homines sclopettis uulneratos afficere tāquam affectum magis compositum, quā qui mucrone, uel spiculis, in hanc statim sententiam lapsi sunt, non cernentes gangrēnā, & reliquorū armorum uulnera: luxationes, contusiones, simplices fracturas, compositasq; sequi, & per se quandoque excitari, per se dico, si nullam habeat extrinsecam causam. Ac sæpius



## DE CURANDIS VVL.

uulneratos sclopettorum glande non inuadere: quod utique non fieret, si uenenosum esset. Nam à causis, quarum natura est eadem, & non differunt, nisi secundum magis & minus, non sequitur nisi una natura diuersa secundum magis & minus, sic ut causæ diuersæ in quantitate causata habeat diuersa in quantitate. Semper igitur aliquod illius ueneni uestigium præ se ferret uulnus, mitius, uehementius ue, secundum causæ efficientis potentiam. Verùm hic non sic se res habet: innumeros enim curauim, cùm chirurgiam manibus proprijs exercerem, ac ijs plures (postquã alias medicinæ partes facititare cœpi) curare iussi non aliter ac uulnera contusa, nullo habito ad aliquod ueneni genus respectu, & quidem ut plurimum fœlicissimo cum successu. Non aliter etiam à prædicto modo errant (hallucinatione scilicet) uulnus hoc asserentes esse uisum, quum tantum tepeat glans, aut calore hæc non multo teporẽ excedat, dum uulnus infertur. Quis (quæso) glandem in parietibus proiectam, quæ statim prehensa urere manus fassus est? Sæpe quidem hoc probaui, nec unquam urere sensi, non quidem in instanti glandis tantus calor dissoluitur: paries enim illam non modò calore exuere debuit, sed calidiorem reddere. Solidorum enim corporum concussio uehemens quis generare ignem sæpius non uidet? Si malleum malleo fortius cõcuties, utrumque calefieri quis non spectat? Qui igitur in



SCLOPETTORVM. 3011

hanc ducuntur sententiam, peccarunt fallacia positionis, ponentes (ut de ueneno diximus) non signum pro signo, carnem scilicet contusam, corruptamq; pro eschara, crusta ue, quæ ignis ui fieri solet, ac si sic dictetur eorum ratio, crusta est, ergo ab altero ignium, ergo ab actuali: nam actu calida est glans. Sed claudicat hæc ratio omnino, cū eschara nō sit. Plures quidem curauī, fatentes se nescisse à principio esse uulneratos, etsi glandem in membro ferrent, non perturbato ferè corū animo. Hos siquidem maximè urere debebat, ac ardore cruciare: non enim sine magno sensu, per aliquod tēporis spatium (si crustam facere potis est) glans insisteret. Sed & etiam hoc crustæ genus, ad ea, quæ ex glāde terrea à ballista proiecta, uel aliqua alia uehementi contusione fiunt uulnera, sæpe, ac ferè semper, sequi uidimus: nō diuerso modo dico, et quæ à glande sclopetti, etiam si carnem non contingat: ex quibus hercle aliquot quidem habuimus, nostræ curæ nostroq; consilio submissos, tale uulnus patientes, ut glans quandoq; cute infracta, quandoque uerò in profundum caligarrum pannum, & subuculam intrò ferret, nemine horum fracto. Similiter & in brachijs, uarijsq; alijs corporis partibus uidi uulnus patientes profundum, non laceratis uestibus, sed ijs simul cum pila carnem inrantibus, nullo relicto uestionis signo in pannis ipsis, putrida tamē caro (quā escharam ab igne factam inconsultò esse uolunt) per-



## DE CURANDIS VVL.

petuò apparuit. Ex his enim plures ad opem nostram confugerunt, unum tamen inter alios pro fide recensebo. Magnificus dominus Bertullæ præfectus cohortis Gallorum peditum, perpeffus est anno præterito uulnus in brachio sinistro ad sex digitos supra cubitum, ad ossis usque regionē delata glande in diploide ex lino confecto, & subucula inuoluta nulla iniuria ijs relictæ, quæ uel laceri, uel usti aliquam speciem repræsentaret. Statim tamen ego Lucio Montano Calliensi, iuueni sanè studioso, & erudito, qui tunc temporis meo consilio chirurgiam tractabat: & Chirurgo domini Polemarchi illustrissimi Domini mei (ambo enim curæ interfuerunt) prædixi, (quo animo in re tam manifesta non penderent ancipiti) ut animaduertenter futuram esse escharam, quam igne productam rebantur, etsi ignis nullum adesset uestigium, ut intelligerent, illam esse carnem contusam, non ustam, quæ sic apparuit, non secus ac in reliquis uulneratis apparere solet, quæ prætereà uirum rationali nostra cura ordinata, adhibitaq; paucis diebus sine labore ad sanitatem reduximus. Sed circa hæc satis superq; dictum sit, ne nos opus suscepisse cōtradicens gratia, alicui cēfendi ansam demus, quod omnino semper abhorruī, nisi ubi me tuendæ ueritatis stimulare cupido. Ad institutum igitur omni ope, atque opera accingamur.



## De modo curationis. Cap. I.



*V*M nemo affectum hunc nō secus ac reliquos graues tu-  
tō curare possit, nisi qui cum  
experientia naturalem cal-  
leat philosophiam, circa quā  
nempe admodum pauci, qui  
chirurgiam pertractant, uer-  
santur, fatendum erit, huiusmodi artifices nō ra-  
rō (etsi parui quandoque momenti sint affectus)  
gravius errare, in pluraq; periculi genera incur-  
rere. Quō igitur hos ab errore eripiamus, ac  
aegris opem feramus, methodicam in hoc genere  
morbi curam perscribere toto pectore excogitabi-  
mus. Hæc primò ablatione extraneorum, mox *Cura quibus*  
deperditorum restauratione perficitur. Extra- *perficiatur.*  
nea appello non tantū quæ extrinsecus adue- *Extranea*  
niunt, sed quæcunque nostræ naturæ contraria ali- *quæ.*  
quo modo sunt, ut glans, ferrum, lignum, pan-  
num, & similia, imò etiam quæcunque ab ipsa  
natura conseruari non possunt: ex horum genere  
sunt ossa fracta: caro contusa, uel lacerata, san-  
guis extrauenatus, pus, & reliqua huiusmodi,  
quæ licet antea partes, uel particule nostri corpo-  
ris essent, tales tamen nunc non sunt, quare et hæc  
ablationem desiderant, quam quomodo præstare  
tutò possis, explanemus.



DE CVRANDIS VVL.  
De extraneis auferendis. Cap. II.



VANTVM igitur id, quod ad auferenda extranea pertinet, chirurgũ & ingenio præditum, & experientia cõprobatum desideret, sæpius cum graui iactura experiuntur ægri, ac cum pudore eorũ plures, qui etsi artem non calleant, chirurgi tamen dici uolunt, hanc artem nulla ratione, nullaq; experientia comitati profitentes, ac millies in errores grauissimos incidentes propter eorum ineptiam: quare neque ab erroribus abstinent, ut qui in fracturis phlegmones excitant, propter ligaturarum structuras, nec illas soluunt, causam ignorantes, aliunde remedia aucupantes. Hoc more errare solent imperiti chirurgi in perquirendis, auferendisq; extraneis, nec non in membris impiè tractandis, statim uulnera ampliātes specillis, digitisq; nulla habita consideratione de parte, deq; totius corporis habitu, peruestigando, mouendo, lacerando, puniendo, secando, contundendo, comprimendoque, unde phlegmones sæpe excitantur, uenæ rumpuntur, dolores ingentes inducuntur, ac uaria alia symptomata, ac morbi, quæ omnia sæpius ad se curam conuertere cogunt, principalem ferè affectum spernere urgentia: quod non contingeret in pluribus, si uel recte tractarētur, uel



Naturæ saltem beneficio relinquerentur. Cense-  
 mus propterea, neque omne uulnus amplian-  
 dum, nec omnia extranea remouenda, nec con-  
 traria parte semper aperiendum, vt plures ine-  
 ptè fecisse, ac pluries in dies facere videmus. Sed  
 quæ, quando, & quomodo isthac præstare opor-  
 tet, nunc compendiosè dicemus. Extranea pro-  
 pterea extrinsecus aduenientia auferenda esse  
 confestim existimamus, quæ ægrum in grauio-  
 ra pericula inducere valent. Similiter illa, quæ si-  
 ne iactura, & magno dolore educi possunt. Gra-  
 ue periculum expectandum est, si glans compri-  
 mendo neruum aliquem grauioribus doloribus  
 ægrum infestet, uel si circa alicuius ventris re-  
 gionem fuerit, capitis puta, uel thoracis, uel in-  
 ferioris ventris, & suspectum sit, ne in futurum  
 penetret, & hoc, si commodè fieri potest in pri-  
 ma cura, melius est, quam differre. Hoc maxime  
 de glande dico, quoniam hæc propter pondus va-  
 riat situm, sic ut commodè postea inueniri nõ pos-  
 sit. Animaduertendū tamen est, ne attentus huic  
 officio sanguinis sit non leuis aliquis fluxus, quod  
 patientis vires destituantur: quod sæpe contingit  
 in manibus empiricorum malorum. Si sistere igitur  
 prius hunc laborandum est. Si autem adsit  
 ossium fractura, ac eorum squammæ aliqua sint  
 periostijs denudatæ, quæ sine magno dolore aufer-  
 ri possint, educas: aliter, sinas. Nam Natura illa  
 ad exitum postea facilitabit, & glans similiter




## DE CVRANDIS VVL.

propter pondus in cutaneam partem aliquam descendet, ubi sine noxa imposterum educi poterit.

*Extranea  
quibus edu-  
cenda.*

Educuntur instrumentis ad hoc munus aptis, rostro scilicet appellato gruino, uel coruino, aut captorio alio quopiam simili, secundum quod vulnus, & materia extrahenda postulant.





Forma autem eorum, quibus nos utimur, hæc est;  
 quæ ad oïa uel glandes, uel ossa educenda, cōmo-  
 dißima experieris. Instrumentum aut Alphon-  
 sinū omnino inutile est; aliud uerò, quod ad glan-  
 des tantū extrahendas, iam ante Alphonsum  
 fuit inuentum, ex cannula ferrea, in quam stylus  
 tortus, acutusq; ad vitis (ut dicunt) formā im-  
 mittitur, qui in pilam inferi debet, hoc etiam (in-  
 quam) inutilissimū est, & maximè noxium. Ra- Quæ uulne-  
 rō uulnus dilatandum est ferro, nisi acceptū illud ra dilatāda.  
 sit in capite cū dubio decranei fractura, uel cū  
 sub cute tantū percurrit glans (& hoc potest  
 cōtingere in reliquis partibus corporis, quod di-  
 uerso modo ab hoc nō est tractandū,) sic ut cutis  
 illa sit interitura, uel cū pila thoracem, aut in-  
 ferio rem uentrem insistent, per propriū uulnus  
 educi nō possit, uel si in inferiore vētre fuerit, ex  
 quo intestina exeāt, quæ somētis, & alio ingenio  
 intromitti nequeāt. alio aut modorarò cōtingit,  
 esse utile uulnus dilatare. Cōtraria parte uulnus Quando cō-  
 aperiendū est, si glans cutancā ibi se ostēdat, im- traperiura  
 potens per propriū osculū educi, uel si ea pars de- facienda.  
 cliuior sit, ac nō profunda multū, in qua pus deti-  
 neatur, aut incōmodè per uulnus principale ex-  
 purgatur. De his autem, quæ partes, uel particule  
 corporis fuerūt, auferendis, si digitus, uel pes, ma- Mēbra quæ  
 nus, brachiū, uel tibia taliter sint fracta, cū car- amputanda.  
 nis, ac uasorum laceratione multa, (quod sæpe ma-  
 gnæ bombardæ facere solent,) sic ut de horum



## DE CVRANDIS VVL.

membrorum uita, nulla sit amplius spes, illico illa amputanda esse censeo. Si autem aliquid sit de uita sperandum, saluti horum consulere nitendū est. Quod si deinde illa uita destitui uideris, ad selectionem statim confugies. Idem dico de carnis, nervorum, tendinum, ossium, uel similium frustulis. Sanguis extrahenatus, pus, & similia, eo modo educuntur, ut pus in canis ulceribus, uel sanguis ex alijs uulneribus educi solet.

### De restauratione perditorum. Cap. III.



QVONIAM deperditorum restauratione ut plurimum ac ferè omnino beneficio Naturæ subijcitur, carnē scilicet, sanguinem, ac reliquas partes regenerare, easdem glutinare, cicatricem inducere, uimq; deperditā restituere, chirurgi propterea, ac patientis munus erit (ubi seipsa non sufficiat) illam in proprio habitu cōseruare, uel ab eo inclinātam ad eundem (quo ad fieri potest) reducere. Et hoc non modò de affecta particula intelligendū est, sed & de uniuerso corpore. Impossibile enim est principalium membrorum inesse affectū, qui reliquis partibus, quibus ministrant, non communicetur. Nam si uniuersum corpus intemperatum sit, quomodo particulam temperatam uel seruabimus, uel ad temperiē reducemus? Quod nisi fiat, quomodo deperditā restaurare poterimus? agrè utique. Sed quo-



niā principalium partium, totiusq; corporis curā habere, medici physici est opus, sermo uerò noster ut plurimū de partibus affectis extrinsecis sit, de his igitur quomodo in propria tēperie conseruentur, uel restituantur, si in contrariam lapsæ fuerint, tractabimus, cū nouerimus primò causas temperaturas transmutare ualentes  
De causis trāsmutātibus partes. Ca IIII.




**A**VSÆ autem transmutationis naturæ affecte partis ab ipso uulnere, sunt intemperies omnes. Has inducunt fluxiones ut plurimum malignorum, aut multorum humorum, has potissimum dolores consequuntur, stricture partium, earundem frictions, situs, uel decliuis, uel molestus, supercalesfactiones omnes: immoderatus autem calor uarijs modis excitari potest, tum his omnibus, quæ supradiximus, tum rebus, quæ uulneri imponi, & circumstanti parti applicari, & possunt, & solent, ut excedentibus linteorum munimentis, uel fomentis, uel emplastris calefacere per se potentibus, uel humores sua uiscositate, uel crassitie, uel multitudine transpirare prohibentibus, qui per cutem emitti solent, uel acrioribus medicamentis sine ratione applicitis, quæ omnia inexpertis chirurgis sunt admodum familiaria. Adhæc statim confugientes, ac si non esset conualeſcentiæ spes ulla, nisi uarijs unctiōibus, fo-



## DE CURANDIS VVL.

mentis, emplastris, ligaturis, lychnijs longis, crassis, ac duris muniant, uel, quod propriè magis dicam, onerent, molestant'ue affectam partem. Præter hæc sunt aëris intemperies, motus, quæ assumuntur, & similia, circa quæ omnia rationaliter medicum simul atque ægrum se præstent oportet. Quinimo et chirurgum: in his præcipuè, quæ ad ipsum spectant, nesci licet plus, minus'ue, quàm deceat, refrigeret. uel calefaciat, aut alio quouis modo dolorem excitet, ligando uidelicet, stringendo, cooperiendo, fouendo, cataplasmando, mouendo, uulneri medicamenta, uel lychnia, flammulas'ue (ut dicunt) perperam administrando, quæ quomodo sæliciter ad usum reducas, omnia inferius discussa inuenies.

De cognoscenda, & conseruanda bona partistemperie. Cap. V.



NTEQVAM dicamus quomodo sit conseruanda bona temperies, ponemus primo signa, quibus cognosci possit. Nā propter huius cognitionis defectū,

sæpius errant chirurgi, uidentes ferè perpetuò parti affectæ, uel tumorem, uel hunc cum leuissima supercalefactione: quare metu compuncti, cataplasmatibus, unctionibus, ac uarijs alijs non remedijs partem opprimentes in deteriore gradū ægrum deducunt. Quum igitur corpore temperato uideris partem affectam tumore quodam

Signa.



humili, molli, cum leuissimo, uel nullo rubore, uel dolore, & quæ excrescentiâ nō suscipiant primis diebus, in quibus magis uiget morbi uis, uulnusq; nullū cruditatis signum ostendit, scito temperiē partis non esse à sua natura transmutatam, sic ut per se ipsam humorē facientē tumorem, uel leuem inflātionem, uel paruum dolorem excitantem non bene cōcoquat, ac exiēnat, tum per insensibilem transpirationem, tum per sudorem, ac per proprium uulnus. Conseruabimus igitur, si ægrum, ac affectam partem ab omni excessu teneamus, uulneriq; conuenientia remedia suo tempore applicemus ut postea diffusius narrabimus.

De cognoscenda tēperie partis transmutata, & curatione eius. Cap. VI.



V M uerò tumorem suscipere uigorem uideris, uel dolorem, uel inflammationem, uel aliud quodpiam symptoma infestū, sine ulceris decēti concoctione, uel singula per se, uel aliqua, uel omnia coniuncta, scito naturam partis oppressam, & in transmutationis uiam tēdere, nisi iam sit, quæ ab arte celerem opem postulet: hāc enim curabimus, in proprioq; statu reducemus, contrariorum sanē rationabili, opportunaque administratione, alterando, reuellendo, deriuando, ac dissoluendo. Alterare intelligo, cum intemperiei siue ea cum materia sit, quæ sæpe ap-

Quibus accurratur intemperiei partibus.



## DE CURANDIS VVL.

paret, siue sine ea, (licet rarò hæc in hoc affectu contingat) cōtrarijs remedijs applicitis oppugnemus, ut caliditati cum siccitate, frigidis humidisq; medicamentis, resistimus, puta aqua simplici lactuca, & similiaum succo: frigiditati uerò cū siccitate, calidis, et humidis prestamus auxilium, ut oleo simplici chamæmelitæ, amygdalino, anethino leuoribus frictionibus, fomentis ex aqua tepida, uel calida, & similibus, eò usque his remedijs prosequendum est, donec constiterit intemperies, si ea sola sit: sed cūm hæc rarò eueniat, isthæc pauca sufficiant. Si uerò cūm materia fuerint, reprimendo, reuellendo, uel deriuando alterare tentabimus, uel dissoluendo, ut indicabit affectus. Et hæc quando, quibus, & quomodo ratione efficies, propria capita declarabunt.

### De percussione. Cap. VII.



**PERCVSSIO** est humoris in aliquam partem fluentis remissio, siue repulsio: quæ maxime confert phlegmonibus, & quandoque erysipelatis in principio, uel donec uiget flu-

xio uel ubi suspectū sit, ne fiant. Hac igitur causa uulneribus, cōtusionibus, fracturisq; oībus ī principio, ac statim, si id fieri queat, reperiētia applicamus. Nā iis uis multa est, cogendi humores

*Quando re-* in eā partem fluētes retrocedere. *Vtimur tribus*  
*percutiētia.* primis diebus, aut ad summum (si phlegmone  
non



non urgeat) quatuor. Quòd si patientis temperies quadrata (ut dicunt) uel bene constituta fuerit, sat erit secundam nō excedere, aut quartam. Nam si uel diutius, uel ualentius, quàm conueniat, refrigeraueris, ulcus crudum, & mali moris. reddes. Nam ob id ignauis chirurgis sæpenumero succensui, quorum alius ad septimum, alius ad decimum quartum usque diem, nulla moti ratione ægros partem affectam ultra modum refrigerantes in periculum, ac non rarò in extremam perniciem ducebant. Sat autem erit ijs uti, donec coctionis aliquid apparere incæperit. Sunt autem reperiencia sæpius reiteranda, non autem, ut inexpertorum turba facit, imbibunt enim stuppas, uel pannos quàm multos in oxycrato simplici, uel in quo fuerint rosaceum, et ouorum albumina simul quassata, uel alia huius generis, & applicita per diem totam non amouent. Hoc siquidem cū calidum factum est, longè maiorem copiam humorum trahit, si diu persistat, quàm quæ à principio sua frigiditate, aut adstrictione represserit, aut si non attrahit, occludit saltem uapores per cutem transpirare consuetos: quibus ui retentis, uaria, innumera, molesta que symptomata sequuntur. Repercutiunt autē quæcunque refrigerant, similiter & quæ adstringunt: uerū nō omnia, quæ hæc præstare possunt, simpliciter conuenire asserimus. Cicutam, altercum, papaueris succum, & similia, per se applica

Repercutientia quomodo.

Repercutientia quæ conueniunt.



## DE CURANDIS VVL.

ta non laudamus; refrigerant autem plus quam deceat. Chalcanthum autem, avis flos, & quæ sui generis sunt, ultra quod supramodum adstringunt, suo quoque calore trahunt. Mediocriter igitur quæ refrigerant, uel quæ adstringunt, sine, uel cum leuissimo calore, summè laudamus. Sola frigiditate sua reperiunt, aqua simplex frigida appositæ, lactucæ, cucurbitæ, uel succus frigiditate ac adstrictione, sedum minus, acetum omphacium. Adstrictione galla immatura, mali coriū, & huius generis alia. Nunc de reuulsione dicamus.

### De reuulsione. Cap. VIII.



LEGANTISSIME Corpus humanum comparare possumus ceterogoni, uel decagoni, aut (si mauis) circulo, puncta aliqua intra se capienti, à quibus si ad periferiam unde quaque lineas duxeris, ac eas impermixtas intellexeris, uel etiam si mixtas communicantiam habere inter se, quamcumque partem conspicias, sic ut à quocunque puncto ad quemlibet punctum permeare possis, uerum non equaliter: non enim inter se sunt æquales lineæ. Præterea inter duos motus semper cadit quies, eoque more se habent superficies. ac partes nostri corporis, ad cerebrum, cor, & hepar, unde animales uitaless ac naturales facultates habentur, simile (inquā).



cùm existat, inter partes nostri corporis confor-  
tium per neruos, arterias, ac uenas, non difficile  
erit mente concipere humorum fluxum atque re-  
fluxum per hæc uasa commodissimè fieri posse.

Nam à cerebro procedunt nerui sensum & mo-  
tum partibus ministrantes, à corde arteriæ uita-  
les spiritus deferentes, ab hepate uenæ sanguinem  
unicuique parti pro nutrimento partientes. Di-  
camus igitur nunc reuulsionem, quam Hippocra-  
tes antispasim uocat, in contrarium esse auersio-  
nem, ut à dextero in sinistrum, uel à supernis ad  
inferna, ab internis ad externa, & uice uersa, ut  
pro exemplo, ab uno brachio ad reliquum, uel ti-  
biam eiusdem partis, & sic uice uersa, ut mem-  
bri affecti positio indicabit. Hæc autem pluribus  
modis fieri solet, alia cum euacuatione manifesta  
fit, ut uenæ sectione, uel alui eductione, uel uomitu. Alia sine euacuatione sensibili: & hæc uel fri-  
ctionibus fortioribus, uel balneis calidiori-  
bus, uel ligaturis frequentioribus,  
ac doloriferis. Sed cùm uenæ  
sectionem præstantissimè  
celerrimeque re-  
uellere di-  
diceri-  
mus, nunc de ea primò  
dicamus.

Reuulsio  
quid.

Reuulsio di-  
uersimode  
fit.



## DE CURANDIS VVL.

### De phlebotomia. Cap. I X.

Quare phle-  
botomia.



Phleboto-  
mia quādo.  
Alphōsi er-  
ror.

**V**ENAM secare, est eam sic ape-  
rire, ut liberè sanguis exire pos-  
sit. Quod fit in hoc affectus ge-  
nere, cum ut retrahamus à par-  
te affecta, tum ut corpore per  
eam inanito non facilis fiat ad eandem partem  
fluxio: magis siquidem parca redditur unaque-  
que pars, cum exhaustum sibi pabulum percipit,  
quo antea abundare consueuerat. Fieri debet (si  
possibile sit) statim à prima curatione uulneris,  
nisi sit nuper à cibo. Nam eò tunc est expectan-  
da cibi assumpti digestio. Et in hoc parcat mihi  
Alphonsus, si se grauiter errasse dixero, qui tan-  
diu phlebotomiam differre mandat, quod perni-  
ciosissimum quandoque est in hoc affectu, si Hip-  
pocratis, Galeni que dicta, ac rationem ipsam dili-  
genter perpendamus, maleque pro tutela sua sen-  
tentiae Galeni dictum attulit, quòd scilicet non sit  
aliquis dierum respectus habendus in sanguine mit-  
tendo. Nam (pace sua) Galenus in libro de sangui-  
nis missione, illa retulit, de phlebotomia sermonē  
faciens simpliciter, non ad aliud quicquam contra-  
ctum, & nona Methodi, ubi eadem ferè uerba re-  
censet, dixit, in quantum ea expectaretur pro fe-  
bris remedio, quam tamē semper in principio ma-  
gis laudat, inquiēs: Optimū igitur factū est (quod



nos semper in re quaque facere uidiſti) ſtatim nō numero dierum, ſed uni uirium robori, in febris eius generis attentum eſſe: quippe quod ſi ſeruatum eſt, non ſolum ſexto, ſeptimōue die, ſed etiam ſequentibus diebus ſanguis eſt mittendus, cuiuſque faciendæ occaſio in febribus non ſimiliter attendenda eſt, ac ea, quam in euacuatione, quæ per pharmaciam fit, opperimur, quam recenſet Hippocrates in primo Aphoriſmorum: in hac autem humorum, uasorumque præparationem expectamus, in ſanguinis miſſione non idem. Dicit autem Galenus in febribus ſanguinem mittendum eſſe: quod ſi uel propter medicorum inſcitiam, uel ægrorum aſtantium ue timiditatem prætermiſſum ſit, non obſtare numerum dierum, quin ad huc ſanguinem mittas, uel ſexta ſit, uel ſeptima, uel alia quæuis dies: melius tamen eſſe, ſi in principio mittatur. Præſtitiffet igitur medius fidius, ut cum Hippocrate, Galeno, rationeque ipſa dixiſſet Alphoſus, in omni uulnere magno, uel fractura, uel contuſione uehementi, conferre à principio phlebotomiam, uel pharmaciam, uel utrunq; uel aliquid, quod horum uicem præſtet. Ea uena ſecanda eſt, quæ affectę parti directè opoſita eſt: ut uulnere in capite exiſtente, ex cephalica brachij eiufdem partis, ſi ea haberi nō poſſit, ex media: ex baſilica, ſi neq; hāc inueneris. Quod ſi hæc non pateat, ex reliquo brachio perquirito: n. pedibus deinde, ſi ex his nulla manifeſte-

Que uena  
ſecanda.



DE CURANDIS VVL.

tur. Nec te perterreat Hippocratis dictum in li-  
 „ bro de ossium natura, inquit. Operam dare o-  
 „ portet, ut quàm longissimè à locis, ubi dolores fie-  
 „ ri solent, ac sanguis colligi, uenam secemus. Nam  
 hic longissimè intelligit collatiuè ad partes, quæ  
 affectui sunt continuæ. Nam solent plures homi-  
 nes dicere ab urbe Roma Lutetias usque, longis-  
 simum esse iter, uerùm si ad Terram floridã, aut  
 (si mauis) ad Taprobanam insulam comparaue-  
 ris, nonne illud breuissimum nūtiabimus? Quod  
 autem sic se res habeat, ut dixi, particulares, uni-  
 uersalesque Hippocratis curæ nos ab ambiguita-  
 te eripient, Si uerò dolor ad clauiculam pertige-  
 „ rit, aut molesta sit, uel brachio, uel mamma, uel  
 „ partibus septo transuerso superioribus, grauitas,  
 „ internam cubiti uenam secare expedit. Hæc in se-  
 „ cundo acutorum. Cuius exemplo Anaxioni late-  
 ris dolore prehensus uenam cubiti secauit, non pe-  
 dis oppositi: hæc enim longissima pars erat. Et in  
 libro de locis in homine. Angina (inquit) à san-  
 „ guine fit, quum is in uenis, quæ in collo sunt, com-  
 „ pactus fuerit: sic affectis, à uenis, quæ in brachijs  
 „ sunt, sanguinem detrahes. In libro de morbis, Ri-  
 „ gor (ait) dolor, & febris per caput, maximè ad  
 „ aurem, & tempora, & sinciput, & oculorum  
 „ regiones: hæc cum sic habuerit, primùm sangui-  
 „ nem de capite mittito, undecunque tibi uisum  
 „ fuerit. In libro de internis affectionibus, si co-  
 „ xendix (narrat) à sanguine fuerit, fomentum ad-

Suspicio le-  
gendū, præ-  
hensio.



hibeto, & cucurbitam affigito, & uenas in po-  
 plitibus secato. Ecce quomodo longissimam  
 partem intellexit Hippocrates: alioquin hos  
 omnes, & innumeros alios ab eo descriptos, in  
 uenas pedum, uel manuum phlebotomate oport-  
 tebat. Quantitatem educationis morbi ma-  
 gnitudo, & uires (sub ijs etatem reponi-  
 mus) indicabunt: ad libram, uel binas, unica  
 uice plus, minus ue, ut morbus, uirtusque indi-  
 cant, educere poteris. Valere siquidem inge-  
 nio, & experientia chirurgum, medicumque  
 oportet, cum quantitas in hoc non secus, ac in  
 reliquis rebus medicis, certa perfiniri in unoquo-  
 que non possit. Si sanguinis euacuationem Phleboto-  
 copiosam sufferre non possit ager, uena secta di-  
 gito osculum occludas, & per spatium aliquod  
 temporis, puta per uigesimam horæ partem  
 sic detineto, deinde digito remoto, & parum san-  
 guinis educto, uncia puta, uel semuncia, iterum  
 occlude: & sic per uices reiterabis. Nam  
 hoc secandæ uenæ genus retrahit plurimum ab  
 affecta parte, cum minima (si lubeat) sangui-  
 nis educatione. Hoc enim phlebotomiæ diuer-  
 sius genus, tutius est, quàm id, quod fit aper-  
 ta uena, stricto, exiliue osculo. Nam in hac  
 & adeps, & sanguis osculum obstruunt, ut sæ-  
 pius nec unciam sanguinis educere possis. Phle-  
 botomandi sunt & pueri à quadriennio, uel



## DE CURANDIS VVL.

*Pueri phle-* triennio supra, si morbus requirat, & habitus  
*botomandi.* consentiat, & quanquam hoc genere uulneris  
pauci afficiantur huius ætatis infantes, id in om-  
ni magni uulneris genere conuenientissimum  
esse censeo, maximè in capite si sit acceptum.

Non me latet, hunc locum pluribus garrien-  
di ansam daturum, maximè inexpertis, & pa-  
rum considerantibus, quibus precipuum est in-  
cautè sine consilio cuncta pronuntiare, authori-  
tate tamen Galeni moti, infra quartumdecimum  
annum non esse phlebotomandum asserente.

*Legerem as-*  
*serentis.*

Sed quum sit contraria hæc nostra sententia Ga-  
leno, quem omnes merito colimus, cuique her-  
cle omnem laudem, omnemque uenerationem  
in arte medica debemus, eam propterea ratio-  
nibus uacuum relinquere non oportebit. Videamus  
primò quare Galenus ante pubertatē sangui-  
nis missionē recuset. Est autem hæc, quod calidi et  
humidi sint ij, plurimumque de eorum corporis  
substantia quotidie defluat. Nulli (quæso) lecto-  
res, occupet animos uestros amoris affectio, uel  
odij. Sapientis siquidem est, ueritatem indagare,  
& inuentam toto nixu tueri, propriaque impu-  
gnare, si uera non sint. Si igitur quia plurimum  
substantiæ à puerorum corporibus defluit, di-  
geriturque, cum calidiores, humidioresque  
temperie sint, non competit sanguinis missio, lon-  
gè minùs debetur adultis, ætate consistentibus,



Senioribusq; : nam horum corpora ad siccitatem  
 magis inclinant, ac quàm illa magis naturali ca-  
 lore destituta. Nam in pueris et si multa fiat dif-  
 flatio, humorumque digestio, potentior tamen fit  
 dissolutorum reparatio, ac noua adiectio. Osten-  
 dit autem id adolēcentia ipsa : quare illo medio  
 probare nemo potest, omnimodam sanguinis ab-  
 stinentiam in pueris, si eductionem requirat af-  
 fectus : probabunt siquidem partius euacuan-  
 dum esse. Præterea si insitam naturalem faculta-  
 tem habent tam ualidam, tamque fortem, qui sit  
 ut febriant sæpe, phlegmonasque ingentes patian-  
 tur, & uaria alia morborum genera, uel tam his  
 affectibus obsessis, cur sæpe natura morbo cedit ?  
 sic ut eorum aliquis intereat, aliquis morosis ac  
 diuturnis morbis diuexetur ? Ab his si secare  
 uenam tantū dispendij & noxiæ est, quā fit, quod  
 sæpius infantibus sanguinem cum notabili quan-  
 titate erumpere uidemus, sine malo affectu ali-  
 quo ? Sodes, quis puerum quandoque non uidit,  
 uel ab alto lapsum, uel aliquo solutæ unitatis ge-  
 nere affectum cum alicuius uenæ apertura, unde  
 hæmorrhagia sequeretur, & sine uitæ dispendio,  
 & sine magno quopiam malo ? Ego quidem an-  
 nales, biennes, triennes, & super hos plures & ui-  
 di, & fœliciter curauī : quibus exemplis motus,  
 ubi morbus indicaret, ac habitudo non repugna-  
 ret, quandoque uenam secare pueris non dubita-  
 ui, tum in uulneribus, tum in magnis phlegmoni



## DE CRANDIS VVL.

bus, magnisque febribus, atque cum bono successu. Præter hæc & multis medicis modernis familiare hoc genus remediij, in pueris esse scio. Hoc unum tamen moneo, ut semper cum præmeditatione fiat. Commendatur autem præcipue in magno uulnere, à quo sanguinis exigua quantitas emanauerit, uel in quibus phlegmones molesta sit: parcius tamen euacuando, quàm ultra modum inanire. Nam quod defuit à principio, ( si conferat ) iterata euacuatione supplere poteris: non autem si multum euacuaueris, facile corriges. Nam qui semel exhaustus est sanguis, reponi amplius non potest. Verum in pueris, phlebotomie uicem sæpius, uel suppleant uentosæ, frictiones, uel ligaturæ.

### De auersione per aluum. Cap. X.

Purgatio  
quibus con-  
ueniat.



**P**ER aluum pluribus ingenijs auertimus, potionibus scilicet, clysteribus, balanis, unctionibus. Conuenit autem, quando phlebotomiam suffugiunt ægri: uel etsi hanc non abhorreant, ubi phlegmonem timeas, uel ubi tumor, uel dolor inualeant, uel si cacochymum cognoueris ægrotum, etiam si dolore phlegmoneq; hic omnino uacet. Nam ubi sit cacochymia, plethoriâ re, uel primis, uel sequentibus diebus, non effugiet patiens graua sympto



mata, nisi purgaueris, uel sanguinem miseris, uel  
 utrumque præstiteris, purgabis eadem die, si cor *Quando pur-*  
 pus fuerit cacochymum, præmissa tamen phlebo- *gandum.*  
 tomia diuersua, qua per uices exiguum sangui-  
 nis quantitatem educes. Quod si utrumque eo-  
 dem die perficere non possis, purgationem in diē  
 sequentem differas, uel tertium, uel quartum,  
 uel subsequentes, si morbus exigat: præstat ta-  
 men \* primioribus diebus agere, prouisionis gra-  
 tia, quàm subsequentibus curationis causa. Non *\* Fortassis,*  
 enim in hoc casu expectanda est humorum præpa- *proximiori-*  
 ratio, ut in febribus fit. Nam uulnere affectus *bus, uel prio-*  
 sano corpore (excepta parte læsa,) supponitur, *ribus, uel*  
 in quo humorum concoctio, & uix ad exitum pa- *primoribus.*  
 rata facile indicantur. Conuenientius igitur in *Nam uix re-*  
 primis diebus administrandam esse remur. Quod *perias primi-*  
 si post phlebotomiam, uel pharmaciam sequatur *oribus apud*  
 inflammatio, ex humorū scilicet malitia, uel mul- *probos autho-*  
 titudine, utranque uacuationem reiterare, (si cō- *res.*  
 ueniat,) non est pertimescendum. Extat autem  
 quædam Hippocratis propositio, quā medici quā-  
 doque contra meam sententiam recitare solent,  
 dicens, Quicunque inflammationes in morborū  
 principio medicamento conatur soluere, nihil de  
 eo detrahit, quod acervatum est, atque inflamma-  
 tum: quæ uerò partes sanæ sunt, & morbo resi-  
 stunt, simul eliquant. Sed pace horum ostendam,  
 hanc sententiam non esse meo præcepto contra-  
 riam, sed eandem, rationemque huic adstipulari.



## DE CURANDIS VVL.

Non enim pharmacia humorem facientem phlegmonem dissolvere intelligi, sed paratum ad fluxum retrahere. Sic & Hippocrates, non hic à pharmacia omnino abstinendum esse præcipit, sed monet, ne conemur inflammationem in parte aliqua existentem purgantibus medicamentis solvere: quoniam antequam purgatione retrahas humorem fixum, phlegmonem facientem, dissoluantur primo partes, à quibus primitus fit attractio, necessarium est, stomachus puta, uenæ mesaraicæ, et quæcunque inter has, & affectam partem constitutæ sunt: unde qui iam fluxus est humor, & parti affixus, ab eadem dissoluendus, educendusve est, uel ad uicinas deriuandus, non ad longinquas reuocandus. Qui uerò ad fluxum paratus est, uel fluit, nunquam ad contraria incommode retrahitur. Quòd autem (ut diximus) intelligi debeat Hippocratis litera, non aliter ac explanauimus, & eius litera in loco proprio intelligenti firmam fidem faciet: præterea & quæ in capite de phlebotomia recitauimus, & reliquæ curæ ab eo scriptæ nos certiores reddent, fidemque firmam facient. Scribit enim secundo de morbis, Si erysipelas in pulmone fiat, tussis habeat, & saluam expuat multam, ac liquidam, & cætera. Subiungit, Hic morbus maximè fit ex ebrietatibus, & carniū esu, & carniū mutatione, sed & ex alijs causis emergit, huic pharmacum deorsum purgans, bibendum dato, et lac asininum. Et libro tertio de mor

Legerè tussim, uel tussis.



bis, si quis leuem anginam, quam parasynanchen  
 uocant, patiat, huic uenam secare oportet, &  
 maximè sub mamma: cōcomitatur enim hac par-  
 te ex pulmone spiritus calidus. Oportet quoque  
 deorsum purgare medicamento, aut clystere. Itē  
 peripneumonia talia facit, febris acuta tenet, &  
 spiritum frequentem ac calidum respirat, & cæ-  
 tera. Addit, Alium autem in quatuor aut quin-  
 que diebus subducere oportet, & hoc paulò am-  
 plius, quò & febres obtusiores sint, & dolores le-  
 uiores. Adhuc in eodem libro, Pleuritis ad dor-  
 sum intantum ab alijs differt, & cætera. Subiun-  
 git, At si æger bili sus sit natura, & non purga-  
 tus, correptus fuerit à morbo priusquàm salinā  
 biliosam expuat, etiam bilem probè purgato. At  
 in libro de natura muliebri, Si inflammati fue-  
 rint uteri, sambuci folia tenerrima in tritici re-  
 centis crassiore farina coquito, & leuiter tepida  
 sorbenda dato, Et secundo de morbis muliebri-  
 bus, Si uteri inflammati fuerint, menses obtor-  
 quentur, & reliqua, Subdit, Cùm sic habuerit,  
 pharmacum infra purgans bibendū dato, & sub-  
 dititijs utatur. Ex his ac pluribus alijs curis ab  
 Hippocrate scriptis, nobisq; relictis facile indica-  
 re possumus, purgationes non spreuisse in inflam-  
 mationibus, & in principio, & dum fluebat hu-  
 mor: est enim eousque ducendus peccans humor,  
 quousque exuperauerit, si uires ferant. Talis de-  
 bet esse purgatio, qualem humores ostendunt: qui

Quantitas  
 purgationis.  
 Purgatio  
 qualis.



## DE CVRANDIS VVL.

bus colores similes efflorescunt. Nec sub silentio prætereunda est, quæ ex locis affectis sumitur indicatio: nam si purgationem capite, uel thorace uulneratis, quæ quoquo modo uomitum irritet, propinaueris, augebis affectum: secus autem, si crura afficiantur ab hac. Nec spernendas esse censesmus, quæ à consuetudine, & ambiente sumuntur indicationes. Sed & in sanguinis exuperantia sæpe pharmaciam conferre, & à senioribus didicimus, ratione deinde, & experientia comprobauimus. Præterea sunt qui uomere consueverunt, quos abstinere omnino non consulo, si pars perinde (ut diximus) affecta non obset, ut caput, thorax, & uenter, quæ uomitu uiolenter agitantur, extendunturq;: Hac autem uulneribus semper noxia. Verùm cum corpora purgare medici munus sit, satis nos hic obiter dixisse de purgatione existimamus.

### De reuellentibus sine euacuatione.

#### Cap. XI.

Vinculorum  
usus, & quæ  
ad.



VNT quæ reuellunt, nulla sensibili apparente euacuatione, ligaturæ & balnea, ijs addidimus cucurbitulas, & frictiones: uerum ea mitius, is auxilijs tutò in omnibus corporibus uti possumus tum ante purgationē, uel phlebotomiam, tum post, dum scilicet fluxio molesta, uel suspecta est: in corporibus boni habitus sæpe



sine purgatione, ac sanguinis missione, ijs conten-  
 ti fuimus: In corporibus repletis, ac mali succi,  
 etiam post phlebotomiam, & ante eam reliquas  
 partes uincimus: ut si uulnere in sinistro brachio  
 existente, ex reliquo uenam secueris, tibias uin-  
 cire non dubitabis: stringendo uincula non secus,  
 ac qui phlebotomare intendunt, & cum molestia,  
 plurimumque dolorosa esse coeperint, soluenda  
 sunt, mox religanda, & sic reiteranda per uices:  
 ante, & post cibum, omnino per horas aliquot sol-  
 uenda, nisi urgeat inflammatio, uel dolor, uel san-  
 guinis aliqua haemorrhagia. Ligaturis etiam ad-  
 dere poteris, si aliquod praedictorum symptoma-  
 tum molestum sit, balnea ex aqua tantum cali-  
 da, manibus scilicet affectui oppositis. Poteris et *Balnea.*  
 his (si libeat) per se uti. Sit autem aqua, quan-  
 tum sufferri potest, calida tandiu in usum ueni-  
 re possunt, ac ligaturae ipsae, donet scilicet tume-  
 tur fluxio. Frictiones magis deriuare, quam re- *Frictiones.*  
 uellere dicimus, nisi uehementiores sint: uerum  
 eae cutem exulcerant, molestiamque grauem in-  
 ducunt, mites uero leuiter trahunt. Has tamen si  
 feceris (reliquis auxilijs non omisis) iuuabis.  
 Idem & de cucurbitulis dicendum est: nam haec a pro *Ventosa.*  
 pinquioribus tantum partibus trahunt, quare potius  
 deriuando, quam reuellendo usui sunt: uerum si  
 urgeant symptomata, & has in contrarias, &  
 quandoque in uicinas partes, non omisis reuellen-  
 tibus ingenijs, addes auxilium. Has tamen, et bal-



# DE CURANDIS VVL.

*Vistas.*

nea, & frictions magis laudamus in teneriori-  
bus ac boni habitus corporibus. Sed nunquid &  
uictus tenuis sub genere reuellentium, aut (ut  
proprius dicam) retrahentium ponere liceat? li-  
cebit hercle. Stomachus autem cum prima par-  
sit, quæ & cibum recipiat, & nutriatur, & in-  
ter reliquas partes primò fame cruciatur, si ci-  
bum tardius ac parcius susceperit, quam debeat  
à continuis sibi partibus humidum trahit, & hæ  
ab alijs, & sic succedentes: unde duplici ratione te-  
nuem uictum profuturum esse in his censendum  
erit, tum quòd partes, quæ famē, sitimq; pri-  
mò experiuntur, ab alijs trahant, tum etiam  
quod propter conuenientem mediam non modò  
non generatur noua humorum noxiorum copia,  
sed qui noxam fortè inferre parati erant, dissol-  
uuntur. Verùm & hunc uiribus patientisq; con-  
suetudini proportionandum esse, nemo est qui  
ambigat, qui utique in medica facultate fuerit  
exercitatus. Tenuem autem uictum dico, si uel  
panatella, uel condro, uel ptisana tota in iure pul-  
li, uel uituli, uel aqua, & oleo, uel butyro  
condita parce nutriatur, pro potu a-  
qua hordeacea utatur cum sac-  
charo, primis maximè  
diebus, postea ue-  
rò paucife-  
ro uino, & egregiè  
lymphato.

De





**D**ERIVARE intelligimus, cū  
 humores aliquam partem infe-  
 stātes in propinquum trahimus,  
 uel ex propinqua educimus. Fit  
 & hac quandoque cum sensibili  
 euacuatione, quandoque sine hac. Cum euacua-  
 tione manifesta uescicatione cutis, hirudinibus, sca-  
 rificatione, uenæ sectione: ut si incipit affectum  
 fuerit, à quo aliquid ad uicinas partes trahere cō-  
 ueniat, uel uenas temporum, uel quæ medias fron-  
 tis regiones occupant, uel in nare, uel retro aures,  
 quandoque apparent, tundimus, uel collum uen-  
 tosis apposis scarificamus. Possumus, & herri-  
 nis & masticatorijs medicamentis ad fauces &  
 nares euocare. Herrina tamen, nisi urgeat neces-  
 sitas, subterfugienda esse laudo: molestiam nanque  
 maiorem inferunt: prosunt tamen maximè, si ra-  
 tione sint administrata. Similiter si cubitus malè  
 habeat, quòd hoc remedij genus desideret, uenas  
 manuum, uel eas, quæ infra cubitum sunt (affe-  
 ctæ tamen parti uiciniores) scarificamus. Eodem  
 modo si coxa, eam, quæ in pede, uel poplite, uel ui-  
 ciniozem aliquam aliam, si se ostenderit, uel cir-  
 cumiacentem cutem scalpello obtundere, uel eas-  
 dem uescicare. Verùm isthac facere, facillimū est: Quomodo  
 quātum enim, quando, & quomodo, difficile. Fie-  
 ri debet deriuatio, quando fixus aliquis humor  
 partem aliquam obsidet, sic ut euacuato, purga-

Deriuatio  
 quibus fiat.  
 Deriuatio  
 cum euacua-  
 tione.

Quomodo  
 deriuandum.

D




## DE CURANDIS VVL.

toq; (ut decet) prius corpore, neque solo Natura beneficio, neque dissoluentium medicamentorum ope diffuari quidem potuerit, præcipue propter eius multitudinem, uel propter eius crassitatem, uel lentorem, uel cutis densitatem. Tātum, Quādiu deriuandum. ac tandiu deriuandum est, quoad partem in proprium habitum restitueris. Verūm reiteratis uicibus, si unica non suffecerit: ut plurimum enim non sufficit. Facile enim non dissipatur humor, qui longo tempore parti alicui est infixus, præcipue si nervosa hæc fuerit: quare ab ijs ad euacuationem, quæ à propria parte fit, est recurrendum.

De euacuatione à propria parte.

Cap. XIII.



PROPRIA parte euacuare oportet, omiſſa ea euacuatione, quæ uel ſanguinis, uel puris, uel alterius cuiuſpiam in ſinum aliquem collecti humoris fit, quando ſanguis craſſus, uel lentus in aliqua parte fixus, neque deriuatione, neque reuulſione aliò euocari potuit, uel caloris naturalis beneficio diffuari. Varijs igitur ingenijs hæc perficitur, uſtione ſcilicet, ueſicatione, hirudinibus, ſcarificatione, & euaporatione. Primò euaporantia tentanda ſunt, inter quæ principatū obtinent fomenta ex aqua calida, uel ex uino, ſi ul-



cera adsint, in quibus si ualentiora requiras, chamamelum, uel nepetam, uel calamentum, uel aliud quidpiam eius generis addere poteris. Præterea unctiões ex chamæmelite oleo, uetusto, anethino, liliaceo, æsypo, & similibus, succida lana ab unctiõibus circumuolutis membris, bis singulo die eadem fouendo. Si dissoluentium officio in tres quatuor uel dies uoti compos non fias, ad scarificationes, uel hirudines, uel uesticatoria, uel altiores uestiones recurre. Verum neque hæc, neque illa securè administrantur, nisi & fluxu prohibito, & corpore recrementis liberato. Dissoluentia nanque calida sunt, & uesticantia. Scapellationes, & uestiones, non sine dolore fiunt, quæ omnia in corpore mali succi, uel multi adhibita, ad eandem partem retrahunt magis, quàm euacuare possint, unde geminaretur morbus. Præcedant igitur reuellentia oportet, & qualia, & quanta conueniunt, quò tutius opem feras. Nunc quomodo suppressi debeat sanguis, qui è uulnere abundantius effluit, dicendum est.

De sanguine suppressendo. Cap. XIII.



ANGVIS, quum totius corporis pabulum sit, quo deficiente, simul uitam desciscere sit patentissimū, tutelam igitur sui nobis præindicat, si uita frui debeamus: quare tota



# DE CURANDIS VUL.

ope nitendum est, ubi is abundatius effluat, ut cohi-  
 beatur, qđ uarijs ingenijs fieri solet, obstruētibus,  
 repellētibus, adstringentibus, reuellētibus, et urē  
 Reuelleria. tibus Repellunt refrigerantia, et adstringētia, ut  
 Adstringē- aqua lactuca, endiuia, cucurbitę, poligoni, sedi-  
 tia. utriusque, & solani succi, myrtillorum bacca, ro-  
 sa, malicorium, galla, lysimachia, myrobolani, bo-  
 lus armenus, cerussa, plumbum ustum, gypsum, li-  
 thargyrum, rubygo ferri, alumen, Reuellunt uin-  
 Non laudat cula, balnea, frictions in oppositas partes. Pble-  
 phleboto- botomiam, & purgationes omitto: nam simul &  
 miam, neque purgationē. uires deiciunt. Vrunť medicamenta caustica, ut  
 Vremia. auripigmentum, sandaracha, sublimatū, & alia  
 Obstruētia. uaria, quę arte parantur crustifica, & quę igni-  
 ta sunt ad usum hunc structa instrumenta, ut au-  
 rea, uel argentea, uel ferrea. Obstruunt tenacia,  
 lenta, uiscidaq; ut glutem piscium, gummi cera-  
 forum, amygdalarum, thus, aloes, mastix, & simi-  
 lia: hæc autem per se sanguinem cohibent, si ue-  
 na exilis sit unde profluit: sed ubi uena diuisa ali-  
 quo modo magna fuerit, sunt miscenda reliquis  
 medicamentis. Si igitur uena secta superficialis  
 appareat, tutius est, eam ignito ferramento ure-  
 re. Si uerò profunda sit, quę uisui non manifeste  
 tur, hoc unguento uulnus reple. Recipe, boli arme-  
 nę, ferri rubiginis. añ. 3 ii. masticis, aloes, thuris,  
 añ. 3 i. cum albumine oui incorporentur. Aliud,  
 Rec. glutinis piscium, masticis, boli armenę. añ. 3.  
 ii. gallę inanaturę, plumbi usti, thuris, añ. 3. i. cū



SCLOPETTORVM. 27

albumine oui incorporentur. Potes & pilos le-  
poris minutim incisos, & flores, seu gossipium sa-  
licis, uel populi ijs immiscere, similiter filamenta  
ex panno molli subtili, ex quibus cum bene eisdē  
unguentis erunt imbibita, turundæ, prout uulne-  
ris forma postulat, magnæ uel parvæ, breues,  
uel longæ parari poterunt: duriores in hoc casu re-  
quiruntur, ac maiores, sic ut ora uenarum pos-  
sint comprimere. Aliud, Rec. boli armænæ 3. ii.  
cerussæ, lithargyri, myrobalanorum chebulorum  
& citrinorum, añ. 3. i. β. masticeis, glutinis pisciū,  
tragachanti, añ. 3. i. cum oui albumine fiat unguē-  
tū. Aliud, quod ualentius adstringit. Rec. gallæ  
omphacitis, boli armænæ, lithargyri, añ. 3. ij. cinna-  
baris 3. i. β. omnibus subtilissimè tritis cum oui  
albo misceantur, & parentur licinia ad usum,  
quæ & arida conseruari possunt, quæ iterum eo-  
dem unguento molli & recenter factō leniri de-  
bent, propter earum asperitatem, dum usus postu-  
lat: nam hæc citius cohibent, uel puluis omnium  
supradictorum, si in uulnus aridus imponi possit,  
celerius sistet. Alia, quæ & ualentius adstrin-  
gunt, exsiccantq; . Verum non sine dolore, mole-  
stia, & crusta, si copiosius sint imposita. Rec. ba-  
laustiorum, masticeis, terræ sigillatæ, añ. 3. iii. alu-  
minis scissilis, uel rocchæ, si scissile non sit, æris ui-  
ride, æris squammæ, an. 3. i. cum oui albo, uel uino  
austero fiat miscella. Aliud, Recipe lysimachiæ,  
balaustiorum, boli armænæ cerussæ. an. 3. ii. ferri



## DE CURANDIS VVL.

Ligaturæ.

Cauterium  
actuale.

scorię in aceto preparatę, aluminis, uiridis æris,  
añ. 3. i. ß. chalcanti. 3. i. cū oui albo, uel austero ui  
no misce ad usum. Si fortè hæc diutius conserua-  
re uelis, tunc in teretes pastillos redige, conum ex  
altera parte habentes, quò in uulnus poni faci-  
lius possint. Verùm cum uino, uel passo eos com-  
ponere præstantius est, qui aridi sunt conseruan-  
di. Citius autè in uulnus dissoluuntur, quàm qui  
cum oui albo. Sed quum dissolutum quasi un-  
guentum uelis, oui album præponitur: constipat  
autem magis suo glutino. Ast ligaturæ reuel-  
lentes una adhibita magnam in ijs opem ferunt:  
quæ quomodo sint usui conferendæ, in capite de  
reuellentibus concipies. Quòd si horum reme-  
diorum auxilio uoti compos non fias, ad ignita in-  
strumenta propera, si ijs manantis uenæ ora con-  
tingere existimes. Celerius nanque, tutius, ac mi-  
nore noxa effectum præstant, quàm quæ urūt me-  
dicamenta. Hæc siquidem ingentem, ac per ho-  
ras multas dolorē excitant, unde & fluxus in-  
terdum uehementer irritatur. Prætereà si nō  
compresserint, actualibus cauterijs difficile iuuā-  
bis, donec scilicet sit exempta ab illis facta cru-  
sta, in quo temporis interstitio animam æger si-  
mul cum sanguine efflare poterit. Quòd si ui-  
escharam illam extirpare susceperis, operosius  
utique reddes negotium. Præstabit igitur ab  
usu supradictorum medicaminum siccantium si-  
ne morfu, & adstringentium ad hæc te conferre.



Verum hominem in anatome exercitatum requirit, qui uenarum situs bene noscat. Instrumentorum autem formæ tales esse debent, quales diuersitas uulnerum postulat. Eorum tamen aliquot inscribemus pro exemplo, quæ ut plurimum ad hunc usum erunt accomodata, siue superficialis, siue in altum sit posita uena. & hæc sunt.



Tu alia, prout affectus requireret, struere poteris. Usus autem talis est: Duo habebis ex ijs, eiusdem magnitudinis, quæ ut igne candeant facito, & membro circumquaque pannis in aceto & aqua madidis bellè munito, alterum sume, & in uulnus firma manu mittas, eam partem fortius premendo, in qua uenam fore existimaueris: & cum hoc frigefieri cæperit, in ignem remitte, et alterum candens capies, et preme, quoad fluere destiterit. Quod si uel os, uel cavitatis



## DE CURANDIS VVL.

Causfica po-  
tentialia.

aliqua uenam tangere non permiserit, & fluere non desinat, properare ad ea non est dubitandum, quæ urere possunt medicamenta: nam tunc & tu-  
tior locus talibus medicamentis relinquitur, & minus molestia fiunt: quorum compositiones ta-  
les erunt, R. cerussæ 3.iii. balauſtiorum 3.ii. chal-  
canthi, aluminis. an. 3.ii. arsenici 3.iiij. cum passo  
fiant teretes pastilli. Aliud, R. terræ leniæ, gallæ  
omphacitis, masticis, an. 3.ii. cinnabar. alumi-  
nis, ana 3.i.ß. Salis gemmei, arsenici, chalcanti,  
an. 3.ii. uiridis æris, minij, an. 3.ii.ß. cum passo  
fiant pastilli. Aliud, R. sublimati. 3.i. chalcanti  
usti, pulueris præcipitati, cerussæ, minij, ana 3.iii.  
pollinis. 3.ii. cū aceto acerrimo fiant pastilli. At-  
tendendum autem est, ut quum hæc in usum po-  
nes, aliò humores euoces, remittasq; uicinas par-  
tes refrigerantibus sæpius (quandiu dolor trista-  
bitur) muniendo, & longinquas uinculis stringen-  
do. At quod præcipuum, tutissimumq; in hoc ca-  
su semper inueni, est, uulnera laxis fasciis (con-  
uenientibus medicamentis apposis) uincire,  
deinde manu super uulnere posita immota me-  
dicamenta conseruare per dies aliquot, tres  
puta, uel quatuor, quinimò & plures, nisi  
dolor aliquis urgeat: nam tunc soluere expe-  
diet, ac medicamenta renouare. Pro hoc igitur  
officio duos, tres uel homines paratos ha-  
bere oportet, quò uicissim quiescere, & auxi-  
liū ferre inter sese ualeant: permutet (si calorem



aliquem sentiant) frequentius manus, easque modo unam, modo alteram in frigidam aquam mandentes, ne affecta pars calefiat. Fluxibilior namque calore redditur sanguis. Sed & situs talis affectæ parti est eligendus, ut quietior sit, ac, si fieri possit, sursum uergat. Nunc uero tempestuum est, ut ad curas exponendas properemus: est autem hoc, quod intendimus.

## De curatione. Cap. XV.



**R**ATIONIS igitur huius modi uulneris inquatum se, prima intentio est, auferre extranea, si quæ sunt auferenda, mox ad curandi formam, quæ contuso, lacerove vlneri conferre perpetuo nouimus, se conuertere, ut contusam scilicet, laceramque carnem à sana quanto citius separare intendas, idque medicamentis quantum possis minus mordentibus: quale est, quod ex mercurij puluere (quem præcipitatum appellant,) paramus. Miscemus autem præcipitatum uel cum rosaceo, uel cum oleo simplici, uel cum butyro, uel recenti axungia suilla, semuncie puta butyri, pulueris *Unguentum* drachmam adijcies, seu binas, uel minus, plusue, prout confusio, uel magna, uel leuis fuerit. Nam quanto glans maior fuerit, non modo uulnus maius reddit, sed & altius circumquaque partes tündit. Parantur & alia medicamenta ad hoc



## DE CURANDIS VVL.

munus, ut ægyptiacum, & similia: uerum hic tantum illius memoriam facere libuit, cū inter reliqua huius facultatis principatum obtineat, sic ut aliquid miri præstare uideatur: contusam enim, putridam, uel magis auctam carnem cum minimo, uel nullo dolore dissipat, uulneri non modo nullum cruditatis uestigium relinquens, ut reliqua, sed cocta, temperata, beneque disposita reddit: quare illud præ cæteris omnibus meritò anteponendum esse censui. Ex hoc igitur penicillos, puluillos, lychnia, & quas flammulas uocant, & cætera similia insperges. Hoc unguenti genere unico die, uel duobus ad summum utimur, satis superque erit tribus, si contusio uehemens fuerit: sequentibus uerò diebus ad ea, quæ leuius abstergant, & moderate exsiccent: quibus si contusa carnis aliquid adhuc impendeat, butyri paululum adijcere poteris, perinde ut affectus indicabit, quibus succedant carnem generantia, & cutem inducentia, ut puta mel simplex, uel rosaceum, mel cum hordei farina, uel orobi, uel fabarum: cui addere poteris aristolochiam, minus centaurium, terebinthinam, thus, aloen, euphorbium, myriophylli, uerbasci, apij, chelidonij, uel plantaginis pulueres, uel succos, uel balaustium, uel galii, uel mirtus, uel cupressi nux, uel lithargyrum, uel ustum plumbum, & alia huius generis, prout ulceris habitudo, uel partis natura, uel hybernum, uernum, uel æstiuū.



tempus dabunt indicium. Sed quod maximè monendum esse censeo, cum in hoc sæpius peccent negligentes chirurgi, est, ne sint clauis, uel lychnia ultra modum crassa, uel longa, uel dura, uel aspera, pungunt longa, crassa extendunt, lacerant aspera, eoque magis, si dura sint. Parentur igitur ex mollissimo, subtilique linteo, uel carpen- Qualia lychnia. tatis pannis, uel gossipio retorto, quo dolores non excitent, & si membrorum ossa fracta fuerint, tunc membra situentur commodè, ne doleant, ac cæteris sibi continuis paulò altius, ne faciliè ad illa humores fluant: nec multis, nec strictis ligamentis sunt liganda, sed paucis, & laxis, immobilia, quantum fieri potest, conseruentur. Hæc compendiosè de uulneris curatione, quæ, ut facilius succedat, prouisione uacet non oportet. Prouisio. In prima igitur cura, cooperto uulnere (nisi nuper sit à cibo) tundatur ex aduerso uena, & sanguinem copiosius educes, si è uulnere parum fluxerit: quòd si ex eo multus fuerit effusus, parum uel omnino nihil ab alijs partibus extrahere expediet, sed uice phlebotomiæ uincula, frictiones, balnea, uel uentosæ suppetent. Et si mali succi æger occurrerit, à sanguinis missione, die puta immediatè sequenti, corpus purgare conueniet, & circunstantesque uulneri partes prima die repellentibus fulcire, oxyrrhodino puta, uel aceto & aqua, uel aqua, in qua incotta sint mali coria, bacca, uel folia myrti, galla, et



## DE CVRANDIS VVL.

similia, uel omphacium per se, uel cum aqua mi-  
stum: uictus tenuissimus sit primis diebus, reli-  
quis autem semper aliquid addendo, prout morbi  
magnitudo, uirtutis robur, & patientis consuetu-  
do indicabunt. Et hæc cum succinctè, generali-  
terque omnia dixerim, non alienum erit, nos ad  
exemplares curas conuertere: hæc nanque magis  
sensum mouent.

De curatione uulneris capitis.

Cap. XVI.



**I**ut humani corporis  
partium præstantissima est  
anima, sic & reliquarum  
omnium eius sedes, hæc au-  
tè est caput: hinc igitur su-  
mamus exordium. Ex bom-  
bardeola, sclopetto uæ-  
ria in capite uulnera inferuntur, quæ, quântum-  
uis parua fuerint, semper magni existimanda  
sunt: non enim facile in ijs corrigi potest inflam-  
matio, si fiat: sunt quippe facile, nisi summa dili-  
gentia sint tractata. Cutis enim densa est, à qua  
non sine labore transpirant superflui humores:  
longe tamen maius negotium facessunt, si inter-  
nis partibus communicet læsio, & horum etiam  
magis, quæ uel circa commissuras, uel tempora,  
uel occiput, uel oculorum regiones sunt accepta.  
Agedum, si ipsum simplex fuerit, unde quaque  
rasis capillis unico, aut ad summum duobus die-



# SCLOPETTORVM. 31

bus hoc unguentum curabis. Rec. pulueris præcipitati optimi 3. j. butyri recentis 3. ij. olei rosati 3. i. omphacitis 3. i. croci grana duo, misce, & fiat unguentum, quo puluilli imponendi ex molliſſimo carpentato linteo illinantur, eoq̃ue tenuius crasſiusve perinde ut in uulnere maior, uel minor appauerit contuſio. Aſt ubi hæc maior fuerit, unguentum copioſius, minori mitius impones: de ſuper autem oui album cum roſaceo, & bolo armeno in formam unguenti miſta. Secundo autem die aliud medicamentum impones, quod aliquo modo digerendo moderatè abſtergat, & leuiter exſiccet: cuius hæc erit forma, Recipe terebinthina claræ in albo uino ter lotæ. 3 s. mellis roſati. 3. i. butyri recentis 3. ij. farine bordei, pulueris ariſtolochie rotundæ, radicis ireos, ana. 3. i. aloes. 3. s. misce, fiat unguentum. Hoc autem uti poteris donec in uulnere optima appareat digeſtio: quæ, ſi illud rationabiliter ſe gerat, quartum, aut ad ſummum ſextum non excedat: & tunc ab unguento amoto butyro ſiccantius (ut requiritur) illud facies, addendo ex pulueribus quod ſatis ſit, ſi magis ſiccare intendas. Facile autem curatur in capite vulnus, ſi illud ſimplex ſit, modo æger non in humoribus tantum, ſed & in moribus ſit temperatus, arteq̃ue curetur. Verum quod complicatum eſt (quod ſcilicet intrinſecis partibus læſionem communicat) laborioſum non ſolum patienti, ſed & ijs, qui curam ſuſceperunt, exiſtit.

Vulnus ſim

plex in cap

te.


Vulnus com

poſitum.




## DE CURANDIS VVL.

Si ergo intrinsecarum partium offensa sensui pateat, uel saltem de se magnam faciat chirurgi opinionem, statim os deliberare intende, ea parte scilicet, quæ magis grauata est, sic, tantumq; cra-  
nei detegas, ut fracta, educendaq; ossa eximere, collisa terebello perforare, uel radenda liberè cicliscis scalpere possis. At incisionis forma duplex est, altera trigona, tetragona altera: sed hæc ad intentū nostrū magis conducit. Ea autē est, quæ duabus lineis orthogonaliter se secantib. depingitur.



In prima igitur cura (si fueris uocatus) nouacula bene secante, ac manu ponderosa cutē sic præscindito, ut pericraniū unā diuisum sit, mox unguibus, uel (quod aptius est) instrumento aciem obtusam ex altera parte habentem, ex altera parte bene secante, qua meningem os tegentem, si usquam à nouacula insecta remanserit, scindere ualeas, non amota ab opere manu: cuius formā hic intueri licet.





Os igitur excoria, ac labra euerte: & si glans in propriam cerebri substantiam intrauerit, salutis omnino spes eximitur: si uerò nondum ingressa, ossis aliquid à reliquis separati reliquerit, quod non magno negotio euelli possit, educas. Sic si glans in osse sit fixa, ut infra latius dicetur.

Quòd si nihil hac prima cura, quod facillè educi possit, appareat, uulnus puluillis ex carpentato linteo, uel mollissima stappa paratis, in austero uino, uel omphacio, aceto'ue prius madidis, ac expressis recenti rosaceo omphacitide, uel myrtino cum bolo armena, post imbibitis, ac tepidis prius reple. Si uerò propter aliquam sectam uenam sanguinis hæmorrhagiam uerearis, omisis oleis, lychnia in omphacio, uel aceto acerrimo madida, ac fortiter expressa, oui albo, in quo abundanter sit bolus armena, illinantur ad usum sequenti die, hac miscella componatur. Rec. rosacei omphacitis, ac recentis ℥. ij. albumen unius oui, boli armenæ ℥. i. croci grana quatuor, misce, ac penicillis superpone: hoc eodem unguento circumstantes partes uulneris munire salubre erit, per ternos, quaternos'ue dies, propter inflammationis suspectum, in uulnere autem sat; est prima die imponere, deinde ad huius digestiui usum accedes. Recip. terebinthinæ in uino albo ter, uel quater lotæ ℥. ij. uitella duorum ouorum, olei rosati ℥. β croci grana quatuor, aloes ℥. ij. misce, et utere donec abstergendi tēpus aduenerit, quod non

Digestiuum.



## DE CURANDIS VVL.

*Digestiua  
quo, & quā  
s, tempore  
usui ueniāt.*
 præteriturum quartum diem fatemur, si æque se-  
 res gesserint. Sunt qui putrefactus (digestiua ap-  
 pellata) diem septimum ut firmum terminū præ-  
 scribant, alij etiam & ultra hoc expectantes pu-  
 tridæ carnis separationem undique labia ambien-  
 tis, signari bonam carnem putridæ subsistentem  
 in dies putrescere magis, nisi quæ iam suppura-  
 uit abstergentibus amoueatur. Nos autem ra-  
 tum dimittendi digerentis medicaminis termi-  
 num præfinimus, quod est hoc, dum uideris uul-  
 nus concoctum iri, hoc more, nec tibi septimum,  
 nec alium quemq; diem (ut crassæ mineruæ uul-  
 nerarij faciunt) præstitues firmum. Ab hoc me-  
 dicamine cum abstergere licebit, ad id recurre-  
 re, quod supra ordinatum est, constans ex melle &  
 cæteris. Hoc quantum ad ea quæ curationem car-  
 nosæ partis spectant de capite sint dicta. Si uerò  
 (ut diximus) ossis lesio fuerit, sic ut internarum  
 partium aliquam malè habere existimes, puta,  

*Si os lesum.*
 uel uena rupta, unde sanguis sub cranio effusus,  
 sub caluaria uagus exitū postulet, uel pus quod  
 contingit ijs, qui iam diu uulnus acceperunt, uel ce-  
 rebrum ossis collisione prematur, uel ab aliqua  
 asperitate, (si os fractum sit) pūgatur, tuncocyssi-  
 mē ad ossis uel puris molestiam inferentis, abla-  
 tionem, uel adurganti sanguini liberum exitum  
 parandum properandum est: quamobrem recta-  
 mente perpendenda sunt signa, ne omittas ubi re-  
 quiritur opus, uel agas, ubi suffugiendum est, quæ  
 omnia



omnia in his frequenter, et ægris, & artifice opus molestissimum reddere consueuerunt, ostendunt igitur læsionem intrinsecus susceptam sensui non manifestam, casus cum uertigine, uel uisione plurimorum luminum, mentis alienatio, sopor, oculorum tumor cum rubore, sanguis per nares & aures eruptio, uomitus, resolutio aliquarum partium, apoplexia: uerum non necesse ad horum singulorum deducitur ut certo argumento proferamus cerebri offensam, (cerebrum nunc intelligo quicquid intra cranium continetur) cadunt enim quandoque aliqui capite percussi, nulla cerebro illata iniuria, alios stetisse uidimus, quibus duram meningem laceram deprehendimus, quare in his iudicandis, ubi anceps res est, prudentem chirurgum esse oportet, qui cuncta bene persciet, iudicet, agatque, pristinam scilicet patientis naturam, mores, motus, uires, presentibus conferendo. Si itaque os aperire cogamur, quanto celerius fieri potest. fiat. Primo puta die, uel secundo, quo sanguis nondum coagulatus, facilius exeat, ne uagabundus cerebrum perturbet, uel premendo grauet, uel æstuando inflammet, minusque extendendo dolorē faciat. Verum ubi à principio non facta fuerit, eamque subterfugere non liceat, reliquis diebus efficias: satius namque est quoquomodo tardius occurrere remediis, quam uis omissis sine spe mortis ægrum destituere. Quare & tertio, & quarto & sexto, & decimoquarto, & reliquis diebus

E



## DE CURANDIS VVL.


indifferenter agere poteris, non enim pro hoc opere præstando criticos dies uereri oportet (ut quidam faciunt) non intelligentes artem, existimantes id quod ad unum refertur in arte medica, idē reliquis omnibus esse referendum, nulla habita distinctione: errant tamen maxime. Obseruantur tamen in iis critici dies ad prognosticum, non ad curam, in febribus autem ad utrumque, nam in febribus purgationes, balnea, phlebotomia, neque aliud quicquam quod naturā diuertere possit ab opere, si aliquid moliri sit disposita, agere uerendum est, non aliam ob causam, uerū in hoc affectu non id expectandum est: non enim natura os perforabit, uel opportunè quod pungit semper auferre potest, egens in similibus omnino medici auxilio. Quare quocunque die operatio hæc fieri potest, nullo discrimine habito, præter hoc, quod quāto citius fiet, in melius res succedet. Sed antequā ulterius progrediar, operæpretium fore duxi, hic terebrarum formas aliquot ad intentum nostrum salutare, & à multis non cognitæ describere, quarum quæ quaternario charactere signatur, cæterarum omnium in suo genere utiq; tutissima ac cōmodissima, a me excogitata est, nec amplius ab alio (quod nouerim) cognita. Quæ ternario charactere notatur, ea est, quæ passim per officinas chirurgorum transcurrere uidemus, quam etiam Hippocrati fuisse familiarē existimamus, à Galeno chinicidas, quod (ut Celsus interpreta-



tur) modiolum significat, cui binarius character iungitur, aliud illi figura simile apud aliquos chirurgos nostri temporis uidi, uerum in modum limæ intersectum erat, ut omnino simile esset his sphaerulis, quibus fabri ferrarii utuntur ad typos formādos, quibus plumbeæ glandes conficiuntur ad sclopettorum usum, cuius figura literā habet adpositam *A*. sed istud in operatione molestū est, quum statim eiusdem asperitates scobina repleantur, sic ut singulo fere circuitu, noua lotiōe egeat, at hoc nostrum diuerso modo ab illo sectum est, sic ut celerius aptiusq; operam perficiat, quāquam non tam frequenter ut primum uel quartum in usum ueniat. Reliquum genus, cui unitatis character assidet, etsi meo genio similiter ut quartū excogitarim, aliud tamen non dissimile, licet quodammodo nostro sit obtusius in commentarijs super Hippocratem Guidi Vidi nuper in Gallicam linguam ex Latina translatis comperi, quod ante hunc etiam apud Celsum uerbis depictū cognoueram, id autem est, quod à Celso secundo loco describitur, ab acuto scilicet mucrone incipiēs, in latius tendens, in longioris quasi capituli formā, de reliquis, quæ uel laqueo circummouentur, uel arcus fune, uel ligno trāuersim posito fune uincto, quo fabri ferrarii utuntur, ut nondum in usum uenire possunt, sic de ipsis quicquam scribere omnino superfluum esse existimo, terebrarum autem formæ hæ sunt.



DE CURANDIS VVL.




Sed quia quandoque in calvariae fractura uel col-  
lissio ita ingens est, ut terebra totum illud ample-  
cti minimè possit, peruestigandū est qua industria  
(si oporteat) id auferendum ueniat: nam Galeni



# SCLOPETTORVM. 35

modus, quem etiam Celsus confirmavit, horridus  
ferè uidetur, quum caluariam clypeato, aut si ma-  
lis, lenticulato sit pro plumbeo malleo percusso,  
quantum sufficiat secare mandet. At nos tripli-  
ci modo ubi opus requiritur, rem peragimus: a-  
liud est nostris terebris toties perforare, quoad  
totum quod amouendum est, sit remotum, ut in  
his figuris uidere licet.




Cuspides autem quæ inter circulos remanent, len-  
ticulato scalp pro obtunduntur, nam modus iste  
(si os firmum aliquantulum existat) satis facilis  
ac tutus est, & à me fratreq; meo sæpius usu cõ-  
probatum, sic ut superstites adhuc uiuant aliquot  
ex his, quibus operam nostram, simul atque consi-  
lium communicauimus, inter quos Castagnedus  
Hispanus miles quinquagenarius bellico malleo  
aut (si mauis) claua percussus, terebratione rei-  
terata, quod sat fuit è cranio seiunximus. Item  
infans biennis molitoris filius, casu à Germano  
milite lapidem proijciente, in sincipite magno  
ictu percussus fuit, hunc triplici perforatione cu-  
rauimus. Christophorus calceolarius agens armũ



## DE CURANDIS VVL.

circa uigesimum, hastili ferro, quod alabarda uulgo dicitur, quinque terebræ operibus rem perficimus, nec non alios simili ope adiuuimus. Alius secandæ caluariæ modus est, si in longum secare intendas ab utraque parte terebra os perfora, & ab utroque circulo, ac si eos intra duas parallelas includere uelles, elicies ciclisco, aut acuto scalpro rasorio paruiore parabis, quo serra ultro citroq; ferri minimè possit, inde quod intra utrumque osculum remanet, serra secabis eodem more procedendum est, si in latum longumque auferre cranium expediat, ut per has alias figuras comprehendere facile poteris.




Tertius modus est, quum sine terebellis sola serra & scalpris, præcipuè cum os amplum est, quod tundendum uenit, auferimus, uerum ut dictum est, adunco uel acuto scalpro, (si libeat) sulci parandi sunt, ne huc atque illuc serra fluat, uel pedetentim secura manu sola serra parare uiam poteris, ac quantum oporteat secare, ad hanc pu-



ta formam uel aliam, ut ipsa ossis affectio mo-  
nebit.




Serra brevis esto, subtilis, dentibusque bene  
acuminatis, in medium minimè conuexa, cum for-  
ti manubrio, ac longo, quantum manu commode  
prehendi exerceriq; possit, ex quibus plures etiā  
paratas habere licebit, forma autem talis sit.




Atqui & nunc scalprorum formas hic describe-  
re non erit inutile, nam sola horum ope, sæpe in  
uulneribus cæsim factis egros iuuimus.



# DE CVRANDIS VVL.



*Sed nec hippomocleati uectes, eleuatoria dicta, sub silentio sunt prætereundi, quorum officio rostris coruinis, uel gruinis, inuicem adiuuantibus, non raro à labore, & periculo patientes liberauimus, ubi potissimum magna sit ossis labe factatio, quorum formas hic subiecimus.*





Nunc quomodo horum singulū in usum ueniat, expromere tempestiuum est. Duæ igitur te-  
 rebrarum figuræ, quarta scilicet, & tertia sphaeru-  
 lam ossis secant, amplitudini instrumentorum &  
 magnitudini respondentem, & usui præcipuè ue-  
 niunt in collisionibus uel fracturis, in quibus os  
 firmum est, quod auferre est necessum, uel in fra-  
 cturis punctim illatis, uel contusionibus paruis,  
 uel quæ quandoque ex sclopettorum glande fit,  
 uel alterius rei similis, secunda uerò ad modum  
 rasori scalpri in circulum radit, osculū in uitrea  
 quantum lens est, parare apta est, reliquas par-  
 tes circumcirca osculum exiles admodum relin-  
 quens, quæ uel eleuatorijs frangi, uel lenticulato  
 scalpro abradi debent, ne acies in uitrea relicta  
 aliquo modo cerebro officere possit, ac etiam quò  
 magis amplum foramen reddatur, accomodatur,  
 ubi osculum ab acuta terebra factum augere ali-  
 quo modo uelles, quod quādoq; accidit, ubi cras-  
 sior sanguis, uel pus aliquod tenacius sub calua-  
 ria sint inuenta, uel ubi caries ossi immineat, quæ  
 ad secundam usque laminam descendat, quod fre-  
 quenter apparet in his qui syphillide diutius cru-  
 ciantur, & non solum in capite, sed & in ossibus  
 tiliarum omoplattæq; carie infectis usui uenit.  
 Primum quidem quod capituli longioris acutio-  
 risq; formam refert in acutum os trāsfigit, ita ut  
 osculum quantum milium, uel paruum ordeolum  
 est, relinquat, aptè eo utimur, ubi tantum calua-



## DE CURANDIS VVL.

riam transpirabilem reddere sit congruum, quò  
 crassi uapores, uel sanguis ex aliquo ictu sparsus,  
 nòdum coactus, uel pus aliquod intra caluariam  
 genitum, uel ab externo aliquo sinu interius re-  
 sudatum liberum (inquam) hæc omnia exitū ha-  
 beant. Ad faciliorem igitur doctrinam fingamus  
 in bregmate acceptum esse uulnus, cum leui illi-  
 sione, quæ sensui manifesta non sit, symptomata  
 autem de intrinsecus accepta offensa fidē faciant:  
 osse prius (ut dictum est) bene, ac quātum suffi-  
 ciat detecto, prima terebra illud ubi collisum est,  
 transfige, ita ut sanguis sub eo errans liberè exi-  
 re possit. Si uero hoc osculo facto uitream (quod  
 in collisionibus plerunque euenit) fortiter labefa-  
 ctam esse noueris, tunc quarta terebra maiu-  
 scula orificium auge. quòd si tibi hæc præsto non  
 sit, tertiam sume, nam & ea commoda est, modò  
 tutiore manu tractetur. Si uerò fractura pateat,  
 eaq; in glandis formam (quod ut plurimum fit)  
 sit facta, tunc terebra quæ totum os fractu ample-  
 ctatur perforare oportet, illudq; eximere. Sed  
 hîc extra propositum non erit, curam à me fa-  
 ctam auditu dignam pro exemplo in hominū me-  
 moriam exponere. Die secundo à Ceresolense con-  
 flîctu (nam tunc temporis chirurgiam exercebā)  
 profugus Hispanus quidam miles, qui in dextro  
 bregmate infixam glandem plumbeam ferebat,  
 supplex ad me uenit, cui actutum manus adhi-  
 bui, & quantum oportebat ossis denudaui, glan-



demq; coruino rostro strinxit: hæc tamen tam tenaciter ossi adhærebat, ut sine magno horrore, ac etiam periculo illam educi non posse prehenderem. Quamobrem eam alia industria educere putavi, sic ad tertium terebellum conuersus (non autem eo tempore quartum meum excogitaueram,) quo deinde (ubi mihi oblata fuit occasio, semper ac felici astro usus sum) glandem cum exili ossis ciclo illam cingente prosperè extraxi, primis postea diebus, usquedum sanguis: qui iam sub cranio coactus iacebat separari, in plusq; uerti cœpit, simplo mellis rosati, triplum rosati olei, admiscui, imposuiq;, quod uice uersa commutavi, dum concoctio apparere cœpit, olei scilicet simplo triplum mellis adieci, postea solo melle, per dies aliquot contentus fui, cui postremo ordeaceam, & iridem addidi, qua miscella sum usus ad tempus usque ducendæ cicatricis opportunum, circa carnosas partes eodem modo processimus (ut dictum est) phlebotomatus purgatusq; sic ut (fausto numine) in pristinam sanitatem restitutus fuerit. Si uerò glans oblique præhenderit, osq; ualenter cursim fricauerit, ac aliquo modo depresserit, fortè sat erit illud cicliscis, aut acuminatis rasorijs ad duram usque meningem fodere, si fortè magna sit ossis fractura, quæ (etsi à paruis sclopettis non fiat, cum aliqua uitæ spe) contigit tamen sæpius ex causa alia, quæ diuersam



## DE CURANDIS VVL.

curam ab hac minimè postulat. Cutis cautè secanda est, ne per fracturarum rimas cerebri meninges exulceres, postea ossis frustula, quæ non magno negotio educi poterunt, eximere scilicet digitis, & rostris: quòd si alia depressa sint, quæ adhuc firma persistant, tunc eleuatorijs ad situm naturalem reducere nitendum est, nec illa ui educere, sæpe autem reuniuntur. Quòd si super commissuris extiterit uulnus, idq; transpiratione egeat, ea parte perforandum est cranium, qua magis affectus uergit: uel si in utranque communit, ex utraque: cuiusdem uerò commissuræ ossa (nisi uehementius super cerebro deiccta fuerint) ne trahas, uel ui educas, sed sat erit, orificijs scilicet factis, quod depressum est, in commissurarum regione eleuatorijs ad naturalem situm, quātum ualeas reducere, ac sinere. Nam multoties (ut diximus) religantur: quæ si reuiri amplius nō ualeant, Natura tutius, & minore negotio, illa separabit, & exomet, quàm resistet symptomatis, quæ sequi solent uiolentas membranarum extensiones lacerationesq;. Nam in commissuris dura meninx inseritur, per illasq; trāsit: quare si eadē ossa ui extrahere tentaueris, meningem laceres in ea infixam necesse est, unde phlegmones, cōuulsiones, mox & interitus sequuntur, timendaq; simul sunt & tempora, & occiput. His amplius à quacunque ossis ablatione statim aculei, acies, asperitates ue in uitrea relicte, qualescunque fue



rint, summa diligentia auferre, lenireq; oportet, lenticulato cultro, uel eleuatorio aciem ferente, uel alio quopiam quod rei conferre posse perceperis, ne duram meningē, quę nunquam non mouetur, pungant, lancinentq; . Cuditur clypeatus culter plumbeo malleolo. Sed cū hoc opus præstare intendis, uel scalpris radere, uel terebris perforare, patientis aures gossipio, aut lana, aut panno in formam clauis paratis, obturandę sunt, manibusq; alterius auxilium ferētis, premēdę, quo & firmitus caput sedeat, & ne etiam strepitu horreat. sintq; tibi ea hora parati mollissimi, ac subtilissimi panni, in frustula redacti, quibus exsiccare sanguinem, qui ex cranio frequenter resudat, commodē possis. Omnibus igitur sic peractis, sericum, uel ex lino sindonem, in formam talem constitutum, qualem cranij apertura coindicat, in uino austero infusum, uel rosaceo, si sanguis aliquis coagulatus cerebro immineat, cerebri membranę superpone, & subtili, leni, curuoq; aliquo ferro sub osse circūquaque placide accommoda, puluillis deinde ex mollissimis carpentatis linteis in austero uino madidis, rosatoq; omphacitide melle rosaceo (ut suprā dictum est) admisto imbutis, reliquum uulneris reple, demum linteum in eodem uino, uel aceto madidum, ac expressum rosaceo, oui albo, & bolo armena illitum superpone, mel rosaceum, uel iuleb rosaceum, olei loco, ubi amplius, nec digerere conueniat, nec phlegmones ti-



## DE CURANDIS VVL.

meatur, impones, & uulneris reliquum medica-  
mento ex melle rosaceo, farina hordei, & iride  
perinde, (ut iam supradictum est) curabis, & cū  
cranei osculum carne impleri cōperit, tunc os de-  
tectum leuiter raspatorijs radatur, et labra uul-  
neris in locum suum paulatim reponantur: orifi-  
cium tamen aliquod apertum relinquēdo, quoad  
os integrè expoliatum cognoueris: quod longo tē-  
poris interuallo fit, quadraginta puta, uel quin-  
quaginta, imò & quandoque sexaginta diebus.  
Pro qua re labra euersa tā diu detinere stultum  
est. Osse uerò separato, cutē omnino euoca. Si au-  
tem uel propter chirurgi negligētiam, uel patien-  
tis malum habitum, intēperantiam' uel, ad aliquā  
corruptionem deuenerit pars cerebri affecta, ut  
aliquando mihi uidisse accidit, ad præcipitati pul-  
ueris, uel Aegyptiaci usum illico deueniendū est:  
nam horum præsidio liberatos aliquot uidi, præ-  
cipuè agrestem mulierem, quam curam admiran-  
dam nunc subscribere intelligo. Agrestis quæ-  
dam mulier quadragenaria circa finem Februa-  
rii mensis lapide in sinistro bregmate percussa  
fuit: hæc cū ab ignaro agrestique barbitonsore  
curaretur, in dies in deteriorem statum labeba-  
tur, ita ut de eius uita omnino desperarent.  
Ad cuius curam circa nonum diem secundus  
Botallus mihi frater (uir etenim ī chirurgia exer-  
citatissimus: nam eo tempore sub eius institu-  
to chirurgiam exercebam) conuocatus fuit.

*Cura felix.*



Hic rectè symptomata perpendens, illico cutem aperit, os detegit, & subsequenti die terebello perforat: at in ea parte cerebrum penitus immobile uidimus, durities ingens, cum nigritie apparebat, ut crusta in carne facta omnino uideretur: quamobrem de eius salute plurimum diffidebamus. Verùm non omnino perterritus frater duplo ægyptiaci, rosacei mellis simplum commiscuit, & cerebro superposuit eodem die sanguinem è brachio misit, sequenti purgavit. At dolores remitti cœpere, puris uestigium aliquod apparere: quare & eundem, & tertium quoque diem in eodem medicamine persistere satius esse duxit. Sequentibus uerò diebus solo melle rosaceo contentabatur, cui imposterum, cum aliquantulum magis exsiccare intendebat, et ireos, et hordei polinem adijciebat, sic ut ad finem usque feliciter rem duxerit. Nam ex hac cura maiore admiratione sum affectus, quàm ex alijs aliquot, in quibus à principio meninx erat sauciata. Si igitur (ut dixi) super cerebrum putredo, corruptela uel aliqua eueniat, quæ melle abstergi nō possit, puluerē præcipitati immisce, uel ægyptiacū, quātum sat esse rectè iudicaueris, omniq; industria simul humores in contrarias partes reuelendo purgatione, si liceat, uel reiterata phlebotomia, ac cæteris reuellentibus ingenijs. Sed quia corruptela hæc in curabilibus affectibus nō contingit, ut plurimum, nisi uel ex ægri malo ha-



## DE CURANDIS VVL.

**Prouisio.**  
  
**Repercutien-  
sia.**  
  
  
  
  
  
  
  
  
  
**Phleboto-  
mia.**
 bitu, uel intemperantia, uel ex artificis improuidentia. Quomodo igitur, et quibus prouisio fiat, declarandum erit. Nam quæ dicta sunt, ad affectus tantum curationem pertinent. Curatio igitur uulnere, prima die pannos in oxyrrhodino, et bolo armena infusis circumstantibus partibus superpones, leuiter frigidus, si æstas fuerit, tepidos, si hyems. At in utraque tempestate repercutientia bis, ter uel in die sunt repetenda, ac sæpius, si dolor aliquis infestet, usque uti licebit, quousque phlegmones timetur. Hæc autem suspecta est, quoad suppurabit uulnus. Quum igitur suppuratio apparet, pannum in uino austero madidum pressum, ac calidum superponere satis erit. Sed attendendum est, ne frequentatis plus, quam deceat, refrigerantibus, uulneris coctionem, quæ ui caloris naturalis perficitur, remoreris. Nam plures ignaros uulnerarios, ac quandoque alios, qui se plurimum in arte scire profitebatur, sæpius obiurgauimus, in hoc errantes. Phlebotomiam prætereà statim à prima curatione (nisi nuper à cibo sit, uel abundantius è uulnere emanauerit sanguis, ut uires deiecerit) in cephalica brachij, affectam partem respicientis, facies, ac sanguinis tantum educes, quantum & uires, & tempestas indicauerint, affectum semper supponimus. Si uerò prima die non scicta fuerit uena, poterit sequentibus diebus secari, secundo, uel tertio die, si æger plethoricus, uel cacochymus, uel purgationibus assuetus fuerit:



rit: purgareq; sequenti die corpus, cōuenientissi-  
 mum erit, pro qua re medicum accersire facias.  
 Vbi uerò medicus prestò non sit, in fine libri re-  
 curre, ubi aliquot medicamentorum purgātium Purgatio,  
 formas annotauimus, secundum præcipuas hu-  
 morum uarietates. Nam eas in omnibus capiti-  
 bus inferere non libuit, tum quòd ad simplicem  
 chirurgum corpora purgare non spectet, nisi co-  
 actus, tum etiam quòd in quacunque cura recen-  
 sendum esset, quod semel prolatum omnibus quo-  
 dammodo satisfaciet. Et maximè attendendum  
 est, ne pharmacum uomitum cieat. Clysteria pa- Clysteria.  
 riter, si durus uenter sit, sepius indere iuuat.  
 Prætereà frictiones à collo incæptæ, ac in-  
 ferius ductæ ad plantam pedum usque supernè le-  
 uiores, asperiores infernè, ante cibum fiât. Quod Frictiones.  
 si dolore, uel phlegmone, uel alio quopiam mole- Vincula.  
 sto symptomate tristetur, & uincula cum ijs, & Balnea.  
 balnea tibijs & pedibus addere, & uenam rese- Purgatio et  
 care, & corpus repurgare oportebit, modò ab ex phlebotomia  
 trinscco horum symptomatum causa non proue- reiteranda,  
 niat, puta frigore, uel calore, uel alio quopiam.  
 Quare dum cura fit hyberno tempore, omnia  
 lesiant, ac dum detectum uulnus est, labrum æ-  
 neum cum prunis suprà retineatur: nec æstate  
 omnino frigida sunt administranda unguenta. Im-  
 moderatus etiam calor ex multis pannis, & stup-  
 pis, pellicus calidiore conclauio, calidioribus  
 applicitis medicamentis excitari potest. Quare



## DE CURANDIS VVL.

oculatum in ijs chirurgum esse oportet . Non  
uis enim pars est , circa hæc rationabiliter se  
legerere . Facile autem affecta pars à quocunque  
extrinseco commutatur . Quare attendendū est,  
ne eueniat, quemadmodum ijs , qui fracta mem-  
bra inconsultò stringendo perdunt , uel hypochon-  
dria sotibus inflammant, aliunde tamen causam  
uestigantes . Idem in ijs casibus ignari artifices,  
rudiori ac impia manu uulnera prementes, aspe-  
reque perfricantes illa recrudescent, exasperantque;  
sic, ut eorum causa plerunque ex cutaneo, leuissi-  
moque morbo, in uitæ discrimen , uel ad mortem  
ducantur patientes, ita me dii ament , ut horum  
aliquot reprehendi . Ast non erit ab re, imò iuua-  
bit quidem unum ad hoc propositum exemplum,  
quod nuper euenit, annotare . Adolescens an-  
num agens plus minus decimumseptimum in  
bregmatis sinistra regione ex paruo lapillo ab  
alio puero ludente manu iacto, cutaneum uulnus  
passus est . Hunc ( suo quidem damno immedi-  
cabili) quidam chirurgus curæ suscepit , qui ine-  
pta, grauique manu , ac linteis asperis , sic impiè  
uulnus abstergebat , ut in dies & uulnus magis  
recruderet, et carnem magis colliquaret . Puer  
autem in reliquis omnibus se bene gerebat, nego-  
tiabatur, heroque suo ( ut moris erat ) inserviebat .  
Vidi ego hunc eidem uulnerario submissum ,  
quum uulnus recens esset : hunc autem tam im-  
piè artem exercentem reprehendebā . Responde

*Cura infelix  
empirico suc-  
cessa.*



bat is, crudelē esse oportere chirurgū, non pium.  
 Hunc reuifere destitui, propter affectus paruita-  
 tē. Circa octodecimū diem ad me recurrit patiēs,  
 cui circū uulnus unde quaque sinuosa, anfractu-  
 saq; erat reddita cutis, ubi & pus detinebatur,  
 quod tātū prēmendo educi poterat. Quare quē-  
 admodū cavitatis eiusmodi authores fuerē impiē  
 frictions, & molestæ pressiones, eiusdē siquidem  
 & fuisse auctores non ab re asserendum est: li-  
 quant autem carnes molestæ compressiones.  
 At quum hoc uidissem, cavitatem ad inferio-  
 rem partem aperire consului, quò materia calo-  
 rem, putredinemq; cerebro non communicaret.  
 Quod se facturum pollicitus est uulnerarius: nul-  
 lam enim eo tempore sedem habebamus perma-  
 nentem, sed simul cum regio exercitu omnes ul-  
 tro, citroq; ferebamur. Quare nec mihi illius  
 uisendi ulla concedebatur commoda potestas.  
 Circa uigesimamquartam diem uocatus ad il-  
 lum me contuli, sinum ingentem cum summa  
 putredine, ac fœtore inueni: nihil enim eo-  
 rum, quæ iusseram, præstiterat ignauus ille.  
 Quod an arrogantia, an formidini ascriberem,  
 non satis intelligebam. Circa uigesimam cōtinen-  
 te febre (ut retulerant astantes) correptus est,  
 collapsæ uires, sopor instabat, oculi graues, tu-  
 midiq; urinae sanæ. Hæc omnia cū uidissem,  
 uigesimaquarta (ut dixi) cerebrum offensum  
 esse iudicaui, non quidem à principali uulnere,



## DE CURANDIS VVL.

sed ex putrida materia, quæ & intrinsecus resu-  
dabat. At statim cutem aperire, & os perforare  
consului, licet vires ferè in totum deiectæ essent,  
ratus satius esse, anceps admouere auxilium, quàm  
tutò ægrum morti derelinquere. At stupidus il-  
le cùm audisset, os esse perforandum, Nisi febris  
esset (inquit) vulnus facile curam susciperet. Vi-  
gesima sexta tandem expirauit. Iussi deinde ca-  
daueri caluariam aperiri: uulnerarius autem,  
qui calumniam subterfugere satagebat, fretus os  
iniuriæ, nec minimum à principio passum fuisse,  
id hilari uultu præstitit, inuenitq; ingentem sub  
cranio puris copiam, ac cerebrum ex ea parte li-  
quatum, ac in pus uersum. Hoc more cespitare  
solent, qui crassa quadam tantùm ac fallaci ex-  
perientia artem hanc exercent: quod utique non  
cōtingeret, si in Galeni, Hippocratisq; libris in-  
sudarent, uel saltem artis peritis inseruirèt, quàm  
diu artem callerent. Quod tamen semper facere  
abhorruit audax ignorantium turba. Ex simili-  
bus ædepol et alia enumerare possem, uerùm hoc  
exemplum sufficiat, & quò intelligatur, quàm  
facile sit ex capitis uulnere hominem interire, si  
perperam tractetur, licet ipsum simplicissimum,  
cutaneumq; sit, & ut inscientes, ignariq; di-  
scant, præstantius esse, sibi famam & ægris uti-  
le obsequium alieno consilio parare, quàm stupi-  
do suo phantasmate utriusque iacturam facere:  
sed redeamus ad susceptum consilium. Suauiter



igitur, quantum fieri possit, tractanda sunt uulnera, dicti Hippocratis, & Galeni semper memores, ut tutò scilicet, celeriter, & sine dolore, pro posse operemur, partes uulneri circumiacētes singulo quoque die abstergere, ac ab omni immunditia nitidas conseruare oportebit, quò ex quacūque parte humores in halitum resolui parati patentes uias habeant, non autem sorditie obstruas. Fasciæ prætered tantum ut medicamenta *Fasciæ.* immota contineant, apponuntur: quare ne stricte sint, attendendum est: siquidem eæ (præcipuè non assuetis) grauedinem excitant. Supremo loco sita, quæ afficitur particula, minus autem illuc feruntur redundantes humores. Verum si pus abundantius fluat, decline uulnus situm quandoque adiumentum feret. Alus lubrica conseruetur, clysteribus, uel balanis, uel unica pilula *Alus mol-* assumpta ex agarico, & aloe, singulo die, uel alternis diebus, nisi sponte excernat. Sit uictus *lis.* tenuissimus, ad septimum saltem usque diem, uel undecimum ad summum, uel decimum quartum, ex panatella scilicet, cum minimo uel olei, uel butyri, aut (quod magis laudo) cum iure pulli: potus. *Potus.* aqua cum saccharo, ac parum, si lubeat, cinnamomi cocta: ab undecima uel decima quarta, uino paucifero, pullis, epulis in iure caponis, uel uituli coctis, ut pane trito, uel condro, uel amygdalato, & similibus nutriatur: parcè tamen, ac horis suis, cœnam prandiumq; sumat, quantita-



## DE CURANDIS VVL.

tem autem non modò cibi, sed & medicamento-  
rum, unicuique determinatam ac propriam scien-  
tificè describere nō possumus, sed à morbo, uirtu-  
te, patientisq; consuetudine petenda est.

### De Thorace. Cap. XVII.



**H**ORACIS uulneris curatio  
nullo alio discrimine ab ea, quæ  
aliarum partium est, seiungi-  
tur, quàm differētiæ partium  
ratione: affectus autem idem  
est in omnibus partibus. Heæ

tamen inter se diuersitatem patiuntur non mini-  
mam, quare & curam hic nos aliquo pacto cæte-  
ris dissimilem cogimur describere, prout partium  
diuersitas postulat. Si igitur illud duntaxat ex-  
trinsecus fuerit, ut reliqua uulnera curandum  
erit, primis scilicet duobus diebus unguētum ex  
præcipitato, uel alio quopiam, si hoc præsto non  
fuerit, eadem facultate prædito, uel solo butyro,  
adiunges post ad ea, quæ leuiter abstergunt, ex-  
siccantq; , ut mel rosaceum tum simplex, uel cui  
sit addita terebinthina, aristolochia, farina hor-  
dei, & similia. Nec ab re erit, à secunda die ad  
quartum parum butyri recentis abstergentibus  
medicamētis immiscere, deinde illud auferre. For-  
ma autem talis erit: Recipe mellis rosati ℥.i. te-  
rebinthina, butyri recentis, añ. 3. iii. farinae hor-  
dei, aristolochiæ rotundæ, añ. 3. i. misce, et lychnia,  
puluillos ne inungas, qui uulneri imponi debent.



Super uulnus uerò hoc aliud superpone. Recipe  
 albū unius oui, olei rosati, ℥. i. boli armenæ ℥. i. β.  
 omnia diligenter rudicula incorporētur, et panno  
 per tres digitos circumquaq; uulnus capienti in  
 posca infuso, ac expresso, superponatur, & parti  
 applicetur: frigidū, si æstas sit: tepidum, si hyems.  
 At loco huius, ubi pus apparere incæperit, uel  
 emplastrum ex chalcitide, uel tripharmacum ex  
 oxaleo & argenti spuma cōfecto, super panno ex  
 tensum, sic ut spatium tantū unius digiti, circū  
 quaq; uulnus amplectatur, appones & cū abster  
 sum cōspexeris ulcus, nullaq; abūdante humidita  
 te molestū, ut uulnera cæsim facta, quibus carnis  
 aliquid deest, curabis. Ad cuius intentū tale me  
 dicamentū laudamus. Recipe succi myriophylli,  
 mellis rosati, terebinthinæ, añ. ℥. i. farinæ fabarū,  
 farinæ hordei, añ. ℥. ii. β. thuris, aloes, aristolochiæ  
 rotundæ, añ. ℥. i. ad ignē oīa rudicula commoueā  
 tur, incorporenturq; , ex quo lychnia intingan  
 tur, uel isis epigoni. At si in cauum glans permea  
 uerit: lethale est, etsi organorum internorum nul  
 lum offensam aliquam ex uulnere suscepit: non  
 penetrant aut sine aliqua ossis læsione, nisi ordeo  
 lum plumbeum tantum sit, quod uulnus infert:  
 nam hoc intra costarum spatia permeare potest,  
 illæsis ossibus, glans uerò non sic, sine costarum,  
 uel reliquorum quorundam ossium thoracis fra  
 ctura. Hinc fit, ut & dolores excitentur, &  
 phlegmones fiant, ad quæ frequenter mors sub




## DE CURANDIS VVL.

Medici mu- sequitur. Verum enim uerò non medici est, uni-  
 nus. uersos affectus sanare, sed tantum quæ artis sunt,  
 eorum nihil omittere: ob id enim neque ope desti-  
 tuendi sunt ægri, neque spe. Nam sæpe ut mor-  
 tuos destitutos, uiuere uidimus. Prætereà et qui  
 moriuntur, minore anxietate, ac cum salutis spe  
 ultimum uitæ agunt. Secus autem qui à medi-  
 cis & ope fuerint derelicti. Sagax igitur arti-  
 fex, neque deploratum penitus destituet, neque  
 serò quod prænouit, periculum, uel mortem præ-  
 sagire differet. Agedum sit pulmo, uel meta-  
 phrenon, uel pericardium uulnere sint affecta, sa-  
 lutis spes nulla relinquitur, sed curandus est æger  
 (ut iam dictum est) quò minore mœrore residuum  
 temporis uitæ suæ transcurrat. Si uel cor, uel ma-  
 gnarum arteriarum, uenarum uel aliqua sint la-  
 cera, euestigio moritur, ætutum autem cum spi-  
 ritu, uel sanguinis effusione, & anima ipsa ef-  
 fluit, quare neq; opus medicum desideratur. Pe-  
 ris penetran- netratiōis aut signa, sanguinis sputum: infallibile  
 tis. aut per uulnus respiratio. Pulmonis uerò osten-  
 Signa pul- dunt tussis assidua, sanguis spumosus, per os, per  
 monis uulne uulnus uel emissus. At cordis, sanguinis nigri, ma-  
 rati. gnarum uenarum uenosi sanguinis, ac multi, ma-  
 gnarum arteriarum serosi, ac rubri, sanguinis emis-  
 Si organa sio, ad quæ ex templo mors sequitur. Sed si uul-  
 non sint læ- nus penetrans sit, sine organorum intrinseco-  
 sa. rum læsione, salutis adhuc spes aliqua habenda  
 est: quare si glans intra ceciderit, sic ut per ua-




SCLOPETTORVM. 45

cum erret, ocyus laborandum est, ut educatur:  
aliter modo metaphrenon, modo pericardium,  
prout æger mouebitur, comprimet, ac asperitate  
sua uellicabit. Situabis igitur ægrum sic, ut par-  
tium thoracis infima sit, quæ afficitur, mox specil-  
lo flexibili, aureo puta, uel argenteo, uel æreo, in  
hanc formam flexo, circum uulnus molliter per-



uestigabis. Verum si illa non appareat, iube æ-  
grum huc atque illuc moueri. Sit is super lecto,  
uel mensa stratus, ac uulnus primum semper: &  
cùm glandem inueneris, specillo in cuspide lato,  
in huncq; modum reflexo,





## DE CURANDIS VVL.

uersus osculū placidè trabe, quæ gruino, aut cor-  
uino rostro prehensa educatur. Quod si parum-  
per uulnus ampliare oporteat, per costarum lon-  
gitudinem sectionem facias, non maiorem tamē,  
quàm glandis exitus requirat. Hic autem est  
modus aucupandæ glandis, & in pectore, & in  
inferiori uentre, si contingat non (ut imperiti  
quidam faciunt) qui sedente ægro, recto specillo,  
aut quouis modo, uel sine arte flexo, glandem ue-  
nātur, ultro, citroq; p pectoris, uētrisq; cauum il-  
lud nulla experientia, nullaq; industria uagum  
ducentes, ducta igitur glande, ac sanguine (si  
fuerit) (exit autem sanguis, nisi congelatus sit,  
sine labore, ac sola uulneris inclinatione) uulnus  
hoc unguento curabis. Recipe olei rosati ompha-  
citis 3.iii. terebinthinæ 3.i. pulueris præcipitati  
3.iii. omnibus inuicem bene mistis clauus intin-  
gatur. Hoc autem primis duobus diebus satis-  
faciet, non ultrà. At, quod silentio prætereun-  
dum non est, cum in hoc plures errent, præcipuè  
qui anatomen ignorant, sit clauus ex panno mol-  
lissimo, non magnus, ne premendo liberum tran-  
spirationis motum impediat: nec longus, ne pul-  
mo suo continuo motu, ac carnis mollitie illum  
perfricando exulceretur. Satis igitur su-  
perq; erit, si longitudine pleuram attingat, ma-  
gnitudine quantum osculum, ad pus (si fiat) uel  
sanguinem (si intus remanserit) educendum, pa-  
tens cōseruet: supra aut more emplāstri, donec

Penicillus  
qualis.  
Longitudo  
qualis.



pus apparere liberè incæperit, misturam applica-  
 bis ex ouorum albo, rosaceo omphacitide, & bolo  
 armena, uice huius (uulnere coctionem indican-  
 te) uel barbarum, uel ex chalcitide confecta em-  
 plastra, superpones, clauos uerò à secunda die  
 hoc medicamento inunges. Recipe butyri recen-  
 tis 3.ii. mellis rosati 3.ß. terebinthina, uel gluti-  
 nis albotin 3.iii. aloes, farinae hordei, pulueris  
 ireos, añ. 3.i. misce. Elapsis octo diebus butyrum  
 amoue, & mellis dosim dupla. Intra thoracem,  
 si sanguis coactus sit, uel pus colligatur, metren-  
 chite injici poterit, uel mulsa simplex, uel in qua  
 sint cocta liquiritia, carica, & passæ uua, In hye-  
 me addito aliquid praxij, uel minoris centaurij,  
 uel lupinorum. Sed præter hæc & uulnus quan-  
 doque non penetrare à principio uidemus, quod  
 succedentibus diebus transpirabile fit, quoniam  
 putrescit interior membrana, si contusa sit: at di-  
 uerso modo à supradicto non curatur, nisi quod in  
 hoc clauus penetrans imponi non debet, sed ocys-  
 simè quātum fieri potest, ad incarnationem, &  
 cutis regenerationē properandum est. Non enim  
 ex hoc sanguinis uel puris à thoracis cauo ali-  
 quid educere speramus. Secus autem ubi à prin-  
 cipio peruaserit. At qui neq; omnino uacat peri-  
 culo, sed medium est inter hoc & illud, quod car-  
 nosam partem tantum sine penetratione infe-  
 stat. Caterum prouidere ne ingrauescat sanabi-  
 lis affectus, non parua res est. Porro prouiden- Prouiso.



# DE CURANDIS VVL.

di ingenia artificii mediocriter exercitato, statim se exhibent, cum causas prænouerit. Sunt autem magna ex parte fluxiones, quæ tanto plus molestæ fiunt, quanto repletius, uel mali succi patientis corpus inuenerint, ac iterum inualescunt magis, si extrinsecarum causarum aliqua, uel aliqua in eorum fauorem intendant, ut puta immoderatus motus, inordinatum ac malum uictus regimen, & cætera similia, quæ sub ijs sunt. Sit igitur hoc tibi prouisionis principium, primo circumpositas affectui partes repellentibus munire inuncta parte oleo mellino, uel myrtino, uel omphacitide rosaceo, uel omnibus, uel quibusdam ex ijs mistis, pannum in omphacio, uel oxycrato madidum, ac pressum superpones, sæpius die noctuq; renouando, frigide si æstas, calide si hyems fuerit: & hoc quandiu phlegmonis aduentum timeamus, cuius nos tutos reddet uulneris suppuratio: ab ijs statim curato uulnere (modo ne cibus nuper præcesserit) uenam secato ex opposita patientis parte mediam uel basilicam. Quod si prima die id factum non sit, & pars affecta quoquo modo phlegmone molestari incæperit, ab eadem parte uenam tunde, & tantum sanguinis euacua, quantum patientis uires indicabunt, non spreto quod ab ambiente sumitur indicio. Corpus deinde purgato, præcipue si malis succis fit repletum, tales educendo humores, quales prædominium habere comprehenderis. At hoc maxime

Quibus providendum.

Sanguis mistio.



attendendum est, ne uomitum moueant pharma-  
 ca, quotiescunque in aliquo uentre acceptum fue-  
 rit uulnus. Caput enim replent, & thoracis uni-  
 uersasque partes uiolento motu uexant, ac quan-  
 doque lancinant. Nam hæc repetere fortè quan-  
 doque iuuabit. Medicamentorum autem formæ  
 tales erunt, ad bilem primò respicientes. Recipe  
 rhabbarbari electi, & subtiliter puluerizati, 3. j.  
 β. cum iuleppe uiolato fiat bolus, quem capiat ho-  
 ra electa, & statim superpotet infra scriptam po-  
 tionem. Recipe syrupi rosati laxativi 3. ij. aquæ  
 buglossæ tantundem, misce: capiat subito post as-  
 sumptum bolum. Si autem hyberno tempore fue-  
 rit. Recipe rhabbarbari electi 3. i. agarici optimi  
 3. s. cinnamomi, 3. i. omnia in subtilissimum ue-  
 lut polinem redacta, cum melle rosaceo fiat bo-  
 lus, quem capiat hora electa, cui repentè superpo-  
 tet infra scriptam potionem, Recipe mellis rosati  
 colati unc. ij. aquæ buglossæ unc. ij. misce. Hæc  
 sint satis de purgationibus. Aliquot item infra  
 descriptas comperies ad propositū. Id nosse nunc  
 satis erit, agaricum, rhabbarbarum, & similia, si  
 in bolis disponantur ( ut fecimus, sic ut amaritu-  
 dinem gustus non percipiat, ) uomitum non faci-  
 le ciere. Secus autem si in potibus dissoluantur,  
 uel infundantur. Verū si in corpore boni habi-  
 tus contingat, facta sectione uenæ, fortè sat erit,  
 uincula administrare, & aluum clysterijs moue-  
 re, Situs pariter ad bonam prouisionem non pa-

Purgatio.

Vincula.  
Clysteres.  
Situs.



# DE CURANDIS VVL.

Sermo bre-  
ui.  
Tussis.  
Aer.

Cibus.

Animi mo-  
tus.

rum conducit. Præstat autem ut vulnus supernè  
situetur: nam pulmo, si circa eiusdem regiones il-  
lud sit, continuò suo motu, non tantùm vulnus  
perfricando recrudescet, sed sibi æque obest: si nan-  
que uel sanguis, uel pus sit collectũ, sat erit quan-  
doque se super vulnus inuertere, ut illa exeant,  
non perpetuò supra illud insistere. Pauca loqua-  
tur æger, propter laborem: nam longo sermone  
defatigantur omnes thoracis partes. Tussis præ-  
tereà non infestet, laborandum est. Aer tem-  
peratus sit, ubi ægrotus moram trahit, ne intrin-  
secæ partes thoracis, frigidiorè aëre quàm fue-  
rint consuetæ, tristentur. Facile si, quidem tussi  
exagitur refrigeratus pulmo. Quare ocys-  
simè curandus est æger, ne diutius per vulnus aë-  
rem trahat. Nam etsi is calore uel frigore non  
noceat, infestabit tamen sua siccitate, qua facil-  
limè pulmones molestiam suscipiunt. Parcissimè  
nutriatur, quo ad symptomata mala uerentur,  
puta panatella in iure pulli, uel cum oleo olina-  
uarũ dulcissimo, uel oleo amygdalarũ dulciũ, uel  
recenti butyro. Potet mulsam, si non abhorreat,  
aliter aquam cū abundanti saccharo, & caricis,  
uel passis uuis, uel liquiritia. Elapso symptomatũ  
timore, pullinis, uitulinis, caprinis, auiculis, ouis,  
& similibus, ac uino paucifero parcè nutriatur,  
sic ut ad cõsuetudinẽ paulatim regressum faciat.  
Animi motus non modo hîc, sed in omnibus reli-  
quis curis cogendosse supponimus, quemadmo



dum & moderatos somnos conciliando, si mole- Somnus.  
 stæ fuerint uigiliae, ut in uulneribus iunctura-  
 rum saepe accidit. Verùm enim uerò non raro,  
 præcipuè tamen in uulneribus punctim, uel cæ-  
 sim factis, sanguis collectus, ac coactus in thora-  
 ce retinetur, qui postea agris negetium facessit,  
 ita ut nisi artis peritia succurratur, ad interi-  
 tum sine spe salutis labantur. Quamobrem fo-  
 re nunc iustum existimaui, quo ingenio ijs opem  
 ferre liceat, explanare, ut eos artifices metu  
 exuamus, qui formidine oppressi, quod ipsa ars  
 potissimum exigit, minus tentare solent, ut non  
 nullos, quos in hoc casu, ac in alijs, in quibus non  
 erant exercitati, & monui, & obiurgauimus. Quò  
 igitur sic sanguis in thorace remanserit, qui per  
 uulnus commodè educi non potest, uel quia hoc  
 paruum est, & supernis partibus iacet, uel quia  
 in loco est, qui plagæ dilatatione sine maioris no-  
 xæ periculo sufferre minimè potest, ut circa spi-  
 nam exitus alius tunc parandus est. Sed ut is &  
 in loco minus molesto, & opportunè fiat, idcirco  
 signa indicantia, & locum aptum ad institu-  
 tū hoc prius exponere licebit. Proinde si sanguis Indicantia  
 in thoracis cauo collectus fuerit, pondus super se- sanguinem  
 pto transuerso semper, dum rectus manebit, per- in pectore.  
 cipiet ager: & si pronus, uel stratus huc atque il-  
 luc se circumuoluat, prout mouebitur, illum flue-  
 re, ac refluere sentiet: respiratio magis impedita  
 erit, cū rectus perstiterit, uel si stratus sit in par-



## DE CURANDIS VVL.

tem sanam uertatur, sanguinis quicquam, uel pueris cum sputo miscebitur, non tamen ut sanguinem per se expuat, nisi pulmo sit uulneratus. Tussis, color faciei ad plumbeum uergens, oculi caui fiēt, & respiratio quoquo modo putida. Hæc cum appa-  
 paruerint, sanguinem, uel pus, in thorace esse intelligere oportet, exitum liberum postulantiæ. Pus autem in thorace similiter colligi potest, etiam si ab accepta plaga sanguis illuc minimè descenderit. Ex pure scilicet quod à proprio uulnere paulatim in cauum effluit. Exitus itaque fieri potest inter tertiam & quartam costam, incipiendo ab inferiori parte, uel inter hanc & quintam, uel adhuc inter hanc & sextam: sed supra hanc incōmodissimè euacuari potest, quod in thorace continetur: & infra tertiam suspectissima, imò & lethalis est incisio, propter septi transversæ contiguitatem. Ab eo uerò, qui inter tertiam & quartam est, facillimè expurgatur, & non multi periculi. At media est etiam purgationis facilitate, quæ inter quartam & quintam sit, & minoris periculi: quapropter semper inter has duas sectionem & feci, et fieri iussi, ut plurimum cum fœlici successu. Sedeat igitur æger super cathedram, et inclinet aliquantulum uersus sanam partem: uel si imbecillis sit, stratus super lectum sanam partem reponat, & è directo sub axilla, ubi ferè cubitus cadit, nouacula bene scindente secentur muscoli intercostales inter iam dictas costas,



stas, & cū ad pleuram perueneris, leuiore manu illam seces, ne nouacula impetuosè inuento uacuo septum transuersum exulceret, sat erit osculum facere, quantum oliuæ folium intrare possit: quo factō, æger in partem hanc paululum inclinet, quò uel sanguis, uel pus exire ualeant, ne tamen in totum educantur, sed paulatim in sex, uel octo diebus, uel quindecim, si contenta in multa copia existant, quibus diebus metrenchite mulsa temperate calida iniiciatur, laueturque, in qua hyssopum, prassium, caricas, passas uuas, si uelis, coquere poteris, si ualentius, uel exiccare, uel calfacere uelis. Verum ubi neutrum horum desideratur, sola mulsa per se sufficit. Verum enimuero quod animaduersione adhuc dignissimum fore existimo, est (præsertim cū inter tertiam, & quartam constam facta fuerit sectio) ut metaphrenon, quod ibi maximè propinquum est, lancinare caueas, uel clysterijs fistula ultra modum imposita, uel lotionē ui impulsā: quapropter tutius, imò etiam utilius erit, clysteris fistulam non ultra pleuram immittere, & lenissimè quātum poteris, lotionem infundere. Ab ijs osculum apertum conseruetur clauo, ex filaminibus, uel panno leui lineo confecto, qui nec longus multū sit, ne septum transuersum tangat: nec durus, nec crassus ualde, ne ui immissus dolorem faciat.





## DE CURANDIS VVL.

Hunc autem oui albo prima die imbuere poteris, & circumstantes partes unguento ex oui albo rosaceo & bolo armena duobus tribus ue sequentibus diebus, illiniatur clauus unguento ex terebinthina, oui luteo, & croci parum, confecto, mox melle simplici, uel rosaceo, si magis uelis: quibus (si libeat exsiccare aliquantulum magis) iridis puluerem, uel aristolochiam, uel similium aliquid adijci poterunt, pro cataplasmate conferentissima erunt ex chalcitide dictum emplastrum, uel quod ex oxaleo, & argenti spuma paratur. Cum thorax mundus & uacuus fuerit, & osculi carosana, & puris uel minimum, uel nihil in cauum amplius colligitur, tunc eo tempore consolidari potest apertura, ante sectionem corpus purgare, uel sanguinem mittere, si uires ferant, oportet: quod si hæc non satis respondeant, crura uincire fortius oportet, præcipue in hora operationis, item & diebus aliquot succedentibus, non spretis frictionibus, clysteribus, uictus rationem similiter patientis uirtutis conferendo.



SCLOPETTORVM. 50  
De uulnere uentris inferioris.

Cap. XVII.



**I**NFERIORIS uētris uul-  
nus si epigastrij tantū par-  
tes infestet, uel circa lumbos  
absque penetratione, & spi-  
nae lēsiōe sit, non secus ac  
uulnus simplex in carnosāq;  
parte acceptum curandū est,  
glandis scilicet eductiōe primò, max contusæ ac  
laceræ carnis ablatione medicamentis ad hoc di-  
catis, eo uidelicet, quod cum puluere præcipitati  
paratur, uel ægyptiaco leuiore, uel alio quopiam  
simili, quibus accedat à secundo die conueniens  
abstergentium cum leuiore exsiccatione usus.  
At si glans in cauum usque peruaserit, & par-  
tium internarum aliquam, puta hepar, uel sple-  
nem, uentriculum, uel intestina, siue ea graci-  
lia, siue crassa sint, uel uesicam, uel uenarum  
arteriarum uel magnarum aliquam, siue re-  
nes sauciauerit, spes salutis penitus frustra-  
tur. At si nullum horum uulnere affectum sit,  
& glans educta, bene sperandum est: uerū  
non sic, ut periculi expers omnino dici possit.  
Quare cautum artificem esse oportet, non tan-  
tū circa agenda, sed & circa prognosticum, ne  
ignominiam ex perperam facta prædictiōe sibi  
asciscat. Si igitur glans sine prædictarū partium



## DE CURANDIS VVL.

læsione epigastrium utrinque peruasit, ut mihi uidisse aliquando contigit, curationis modus ab antedicto non uariis est, quantum ad id, quod ad uulnus ipsum spectat. Nec hoc ampliandum esse laudo. Nullius autem frugis erit, sed damni potius. Nam quo maius osculum redditur, ab extrinseco aëre magis leduntur uiscera, unde & maior redditur affectus. At si partium dictarum aliqua uulnerata sit, proficiet utique nihil epigastrij osculum latius reddere. At si glans intus remanserit, & certum signum nullum habeas de læsione dictarum partium, laborandum est, ut educatur, ægro super uulnere decumbente, huc atque illuc se ducente, sic tamen, ut uulneris osculum uersus solum è directo prospiciat, mox specillo flexo, prout in uulneris thoracis curatione, dictum est, ab artifice exercitato peruestiganda est, & inuenta educenda. Quod si inueniri non possit, & uulnus in parte sit, quæ dilatatione sine multo discrimine pati possit, ampliandum est per musculorum longitudinem, quātum digitus index facile possit immitti, sed pro dilatatione instrumentum, omnino acutæ cuspidis, expers sit, ne fortuna intestina pungantur. Quo facto iterum æger super binas mensas paulo inter se distantes reponatur, ac statim super uulnus decumbat, & imposito digito, moveatur huc, atque illuc æger, parte item sau-




# SCLOPETTORVM. 51

ciata, continuò uersus solum inclinata. At si inueneris, educas: quòd si non, finito. Aliquot hercle uidi in inferiore uentre cum penetratione sauciatos, qui cum glande superuixerunt: quod non foret, si eam perquirere, ac extrahere conati fuissimus. Inter quos superstes adhuc uiuit Paulus Bergomensis loricarum faber, qui Clerij habitat. Is autem uulneratus fuit paululum super inguinem dextrum cum penetratione, à quo glans educi, nec inueniri potuit. Non tamen ut uulnus ampliaretur permisi: sic nostro consilio (post numen) adiutus est, & sanus uiuit, ferens in uentre glandem intus: igitur permittenda est potius, quàm periculosam sectionem facere, uel eam cum minima, uel fortè nulla spe operati finis potiundi. Cura prætered uulneris modo iam supradicto prosequenda est. Quòd si sanguinis aliquid in uentrem fluxerit, uino mulso, calidoq; lauetur. Idem fac, si pus introëat, & quum uentrem sanguine & pure uacuum uideris, & uulnus mundum, beneque dispositum, consolidationi, glutinationiq; quantum celerius fieri potest, attendendum est, primò carnem replentibus, si hæc desideretur, ut Recipethuris, aloës, farinae hordei, ana. 3. i. terebinthinæ puræ, mellis, succi myriophyli, ana. 3. ii. cum succo primitus, misceatur farina, deinde ad ignem dissolue terebinthinam, & mel: quibus si-



## DE CVRANDIS VVL.

simul addantur omnia, & optimè misceantur.  
Hoc unguento illinantur lychnia, & puluilli ex  
mollissimo carpentato linteo. Pro cataplasmata  
diachalcitidem eo more paratum, ac ipse affectus  
indicabit, appone. At cùm carnem, penè quan-  
tum conueniat, creuisse uideris, ad ea, quæ ad-  
stringunt cum exsiccatione recurrendum est, ut  
mel cum puluere balaustiorum, mastiche, & te-  
rebinthina: pro cataplasmate uerò chalcitidis,  
cui sit mista decima pars aluminis rochæ. Præte-  
reà fouere uulneratam partē sponsia in uino ma-  
dida, in quo sint cocta balaustium, alumen, &  
siccarosa: à fomento siccetur, & medicamentis  
dictis curetur. Si autem ex uulnere exciderint  
intestina, & flatu tumeant, hunc fomentis cali-  
dis ex aqua, uel, quod melius est, uino calido dis-  
soluere laborandum est, illa q; in uentre repone-  
re. Quòd si ijs præsijs non iuueris, dilatare uul-  
nus cogeris. At hic summa diligentia uti de-  
cet, ne intestina sauciantur. Situetur igitur  
æger, ut uulnus sursum uergat, deinde laminam  
habeas corneam, ex qua lanternæ fiunt, sit au-  
tem semipedalis longitudinis, ac tantæ latitudi-  
nis, quantum uulnus concedit, in hac puta for-  
ma parata,





Hanc (inquam) à tenuiore parte in uulnus mittes, quæ per binos transuersos digitos ad summum infra peritonæum descendat, reliquum uerò sinistra manu fl. etatur uersus uulneris partem sectioni oppositam, sic ut eadem manu, quæ exterius sunt intestina, immota, ac sub lamina teneas, quoad sectionem feceris. Nouaculam autem ad hoc munus sat commodum instrumentum est, & modus dilatandi tutissimus, ac facillimus. Tanta fiat in abdomine apertura, quantum ordine reponi possint intestina: & si epiploon exciderit pars aliqua, eaq; liuida, ac nigricans sit, ligetur filo serico, uel lineo, & quod extra uinculum remanet, totum amputetur. Nec filum longum relinquere est necesse, quinimò neque tutum, ut Galenus in uulnere uentris cæsim facto iubet. In missis intestinis glandem perquire si oportet, & (ut supra dictum est) curæ reliquum perficies, suta tamen primò plaga cæsim facta, perinde ut suuntur uulnera uentris, quibus sutura debetur: nec secus eadē pars curari debet, ac uulnera secta, oui albumine primò, mox terebinthina cum aristolochia, & similibus. Sed nec hîc prouidentia Prouidentia. sub silentio sunt prætereunda, quæ primis diebus magis conueniunt, puta phlebotomia ex brachio eiusdem partis, uerùm nō copiosa multum, si tantum epigastrium fuerit affectum, purgatio,



## DE CURANDIS VVL.

uincula brachijs administrata, tibijsq; , tenuis uictus, quies, uulnus supernè situatū, nisi quandoque per id pus, sanguinemq; percolari uelis, alius mollis medicamentis (nisi spontè & liberè deiciat) conseruetur.

De cura artuum.

Cap. XIX.



ODU itaque expletis curis, quæ capiti, thoraci, & uentri inferiori debentur, superest, ut reliquarum partium uulneris curationē exponamus, brachiorum scilicet, et crurium, per quæ nunc intelligimus totum, quod infra ischion, & infra bumerum continetur. Si itaque uulnus in sola carnosâ parte constiterit sine peruatione, specillo glans perquirenda est, & inuenta rostro aliquo educenda. Et quia hæc (nisi statim ab accepto uulnere sit) difficile inuenitur, oportet membrum in altum leuare, quò iterum descendat. At si non inueneris, omitte: neque enim propterea uulnus ampliandum est. At si ex opposita parte cutaneam se ostenderit, ibi aperire, ac illam educere licebit, attentus semper, ne ex uenis maioribus, quæ uersus cutem feruntur, aliquam seces. Si autem utrinque peruasit, la-



ferit, labore uenandæ glandis absolutus, curationi attendendum est: cuius processus talis erit, si distent inter se foramina, tunc lychnus subtilis ex gossipio retorto, uel molliſſimo linteo paratus specillo instar acus, ex altera parte perforato utrinque ducendus est. Quod si transitus liber non sit, propter musculos, qui mutato membri affecti situ, illum intercludere quandoque solent, non propterea ui (ut plures faciunt) flammulam ultro educere nitendum est. Nam sat erit ex utraque parte clauum linteum imponere, & unguentum in uulnus instillare, quod in profundas partes feratur. Unguentum autem est id, quod laudare consueui, ex butyro, et puluere præcipitati, uel ex mitiore ægyptiaco: uerum in corpore sano sæpe solo butyro, quoad caro contusa separari incipit, contenti sumus. Sed expeditius segregatur, si duobus primis diebus uel primo tantum præcipitati puluerem addideris, quo unguento illinantur lychnia, uel clauī, uel puluilli, qui uulneri immittuntur, supra uerò circumstantes partes medicamentum, quod ex rosaceo, oui albimine, & boloarmena paratur. Hoc autem tutò uti poteris ad quartam usque diem, & ultra, si phlegmone timeatur. Apparente signo aliquo concoctionis, simplo butyri duplum mellis adde, quoad bene coactum pus esse noveris: cui mox succedet usus istius sequentis, Recipe succi apij, suc-



# DE CURANDIS VVL.

ci myriophylli, terebinthina, ana 3. ii. farina faba-  
rum, farina hordei, ana. 3. ii. aristolochia rotun-  
da 3. i. β. aloes 3. i. primò pulueres cum succis, &  
melle ad ignem immisce, mox terebinthinam, &  
aloen adde. At si in magno aestu sit, uel pars af-  
fecta aliquo calore tentetur extraneo, loco apij,  
succum plantaginis adhibe, & si abstergere ma-  
gis uelis, dosim mellis auge, uel succum chelido-  
niij immisce. Quod si siccare magis, lythargy-  
rum subtilissimè tritum, calcem uel sæpius lotā,  
ac siccata impone. Quum autem uulnus ab-  
stersum bene, in quo non superabundet pus, per-  
ceperis, ad ea, quæ carne replent, deuenire li-  
cet: ut, Recipe terebinthina 3. ii. mellis 3. i. aloes,  
thuris, farina hordei, ana 3. i. aristolochia 3. β.  
misce. Attendendum est, ut hoc tempore, & sub-  
tiliores, & pauciores clauis fiant, et si lychnium  
utrinque sit ductum, apparente plagæ mundifi-  
catione, statim auferendum est, & clauos exiles  
immittere, eosq; in dies breuiore reddere, non  
secus, ac si uulnus cæsum factum curare intelli-  
gas. Verum si ossa fracta fuerint, maiore dili-  
gentia occurrere operæ pretium est, cum pro-  
pter morbi iam facti magnitudinem, tum pro-  
pter futuri timorem. Non enim in ijs facile cor-  
riguntur inflammationes, quibus tamen facilli-  
mè corripuntur. Vulneris igitur huiusmodi cu-  
ratio diuersa medicamentorum genera à supra-

Si ossa fra-  
cta.




scriptis non requirit. Sed uehementius attēden-  
 dum est, ne dolores fiant. Ij autem excitari ue- Dolor quibus  
 hementer solent, uel situ membri improprio, uel si-  
 molesto eiusdem motu, uel ligatura strictiore, uel  
 munimentis, cooperturis ue parcius, uel abun-  
 dantius appositis, quò frigus patitur, uel abun-  
 dantius calor incenditur, uel medicamentis facul-  
 tate calidis, uel uiscositate sua fuliginosos hali-  
 tus perspirare prohibentibus, uel immoderato  
 repellentium usu, quo affecta pars calore inna-  
 to exurit, aut concentratus magis inualescat,  
 sic ut stipata cute aestuet, uel aliqua re punge-  
 te, ut ossis frustulum, uel ex humorum multi-  
 tudine, siue uitio, in patientis toto corpore, uel  
 aliqua parte cōtentorū, ad affectā partē fluētū.  
 Ceterū ex multis erroribus cū ab agris, tum ab  
 ineptis chirurgis cōmissis, qui nimia curiositate,  
 nē raro ossa educendo, glandem uenando, uulnus  
 dilatando, contrariam partē aperiendo, agros do-  
 lore iugulant, circa quæ omnia sollicitum esse uul-  
 nerarium oportet, ut ratione morbo obstare ua-  
 leat: quod facere (non nisi casu) poterit. causam  
 affectus, si ignorauerit. Hæc repetere nūc libuit,  
 quo in rebus periculosis, in quibus inconsidera-  
 tē frequēter præcipitant parum in arte exercita-  
 ti, attent. seos magis reddamus. Quum igitur  
 agrum curandum habueris, & glans in mem-  
 bro adhuc si det, patientem super strato, uel mēsa



## DE CURANDIS VVL.


decumbere facito, & artificiosè, cum minimoq; dolore, glandem aucupare: quā si inueneris, edu-  
cas. Verū animaduerte, ne deceptus os tra-  
has, ratus glandem esse. Ossa autem, nisi omni-  
no sint à membranis seiuncta, ui educi non debēt,  
ut suprà in proprio capite dictum est. Curabis igi-  
tur uulnus, perinde ut simplicis curationem de-  
scripsimus, siue glans utrinque peruaserit, siue  
non. At curato uulnere uena secetur ex opposita  
parte, nisi repentè sit à cibo, deinceps in stra-  
to repositus affectum membrum accommodabis,  
quò quietum, ac immotum, pro uiribus conserue-  
tur. Quod fit si instrumentū cauū ad huiusmo-



di formam ex ære, ferro, ligno ue, prout fieri so-  
let in fracturis, ut membri forma indicat, paraue-  
ris, gossipioq; uel stuppis mollioribus muneris,  
ac in eo commodè illud reposueris. Membrum au-  
tem nec uitta, nec alio ligamentorū genere strin-  
gi, nec ligari debet, ne coactus sis in quacunq; cu-  
ratione illud mouere. Fieri autem non potest,  
quin doleat, dum fractum membrum mouetur.



Præterea non perinde ut in simplicibus fracturis commendantur ligaturæ, sic, & in hac conferre censendum est. Nam in illis reunitio tantum affectæ partis expectatur: hic autem primò extranearum rerum ablatio, mox deperditi regenerationis, quæ non nisi temporis diuturnitate fiunt. Quibus succedere debet separatarum partium unitio, aut (si malis) copulatio. Pro qua re satius erit, absque ligaturis illud immotum, & situm, atque naturalis illius figura expetit, seruare, tantumq; illud pannis tegere, ne aëri expositum malè habeat. Sed quia quandoque uulnus in mēbri parte est, quæ super strato reponitur, ut posterior cruris, uel brachij pars, sic ut nos cogat, quacunque hora curationis ipsum eleuare. Quò igitur minore motu, minoreq; molestia id fiat, instrumentum iam dictum ex ærea lamina, in quo



membrum reponitur, scindatur, uel perforetur ea parte, qua uulnus residet, sic ut cōmodè hoc uideri, curariq; possit, dum simul cum instrumento è strato membrum leuatur: unde renouatis un



## DE CURANDIS VVL.

guentis in proprio loco recondatur, sub vulnere  
 nitidum gossipium, uel lintheamina munda, qua-  
 cunque cura innouato, ne sua putredine putri-  
 dum & ulcus reddat. Præterea in ijs molestæ  
 sunt flammulæ, quæ utrinque ducuntur: in ijs  
 autem ossium asperitates affiguntur, unde nec  
 sine dolore educi possunt, nec sine magno dubio  
 sauciandi nerui, uel uenæ lacerandæ, quæ quan-  
 doque illic proximè offeruntur, quæ demum ma-  
 gnum negotium exhibent. Quare satius esse as-  
 sero, exiles clauos ex molli lintheo unguento illi-  
 tos immittere, quàm flammulas illas, quæ si qui-  
 dem quandoque & sæpe flammam in membris  
 excitant. Purgetur patiens secunda uel tertia  
 die ab accepto uulnere: sed ne motu patiens mē-  
 brum grauctur, præcipuè si sit affectum crus è  
 strato non surgat, sed uasculo sub natibus posi-  
 to, aluum exoneret, donec os reunitum fuerit:  
 quod infra dies quadraginta ad minimum fieri,  
 ac reuniri non solet. Frictiones, ligaturæ ue, in  
 contrarias partes conferent, si ratione admini-  
 strentur. Primis diebus tenuissimo uictu, reli-  
 quis paulò pleniore est utendum, perinde atque  
 uirtus, ac morbus ostentant. Quod genus cu-  
 rationis non aliter uariatur, si sint iuncturæ af-  
 fectæ, nisi quòd cum partes eæ calore naturali  
 magis depauperatæ sint, quàm carnosæ, diffici-  
 lius humorem ad eas fluxum concoquunt, egreque

Purgatio.

Frictiones.  
 Ligaturæ.  
 Victus te-  
 nuis.

Quare iun-  
 cturæ diffi-  
 cilius curen-  
 tur.



resolunt. Quare maiore diligentia uti operæ-  
pretium est, quò non fluat humor, quod reuel-  
lentibus sit: & fluxus coquatur, & in pus ac in  
uaporem uertatur, ac expellatur. Ad quod mu-  
nus conferunt maximè, si unguento ex præcipi-  
tato parato aliquid olei de terebinthina, uel bal-  
sami artificialis Ioannis de Vigo, uel Hiperi-  
conis, uel euphorbij aliquid addideris, uel quip-  
piam tale, quod partis affectæ naturalem calo-  
rem conferuet, ac roboret. In uulnere puta  
hoc unguentum conferet, Recipe butyri recen-  
tis, terebinthinae claræ, ana, ʒ. ʒ. ʒ. olei de terebin-  
thina, uel balsami artificialis tantundem, uel hi-  
perici. ʒ. 3. At in hyberno tempore uel tempera-  
tura corporis frigidior tota compositioni addere  
poteris euphorbij ʒ. 5. supra uulnus unguentum  
factum ex toto ouo cum rosaceo, ac farina hor-  
dei simul mistis, ac crudis, parum calidè si hyēs:  
tepidè, si æstas sit. Nam partes nervosæ diffi-  
culter ferunt frigidum, ac coctione celebrata ad  
ea, quæ mundificant, recurre: quibus si balsami  
præscripti uel ireos uel euphorbij aliquid addide-  
ris, proficies. Abstergentium medicamentorum  
usus tandiu iuuat, quādiu ossa (si aliqua fracta  
sint) quæ reuniri non ualeant, intus remanserint,  
quæ (nisi urgente necessitate) ui educi non debēt,  
donec natura à membranis, ligamentisq; expolia-  
uerit, uictus præterea tenuis, ac de his satis.



# DE CURANDIS VVL.

De uistis. Cap. XX.

Si cutis non  
exulcerata.  
Vescas pro-  
hibentia.




ST I flamma ex puluere con-  
fecta, non alia ratione, nec alijs  
medicamentis curam postulât,  
quàm illi qui alijs ignibus urun-  
tur. Si igitur non exulcerata  
cutis sit, summoperè prohibent uesticationem in-  
frascripta unguenta, uidelicet oleum ex oliuis cū  
sale, uel oleum amygdalarum amararū simplex,  
uel cui parum salis sit admistū, uel oleū amygda-  
larum dulcium adiecto sale, uel illud, quod uulga-  
ribus est familiarissimum, duplum scilicet succi  
ceparum, & simplum uermicis liquidæ. Si autem  
uesicæ, & ulcerationes aliquæ adsint, confice hoc  
unguentum. In oleo oliuarum coquito ex secun-  
da cortice sambuci, abundanter, deinde eo cola-  
to adde cerussæ partes duas, plumbi uisti, lithar-  
gyri, ana partem unam, in mortario plumbeo diu  
misceantur, & fiat linimentum. Vescicæ nec pri-  
ma, nec secunda die sunt rumpendæ, sed tertia,  
uel quarta nam quandoque dissolutione sola sa-  
nantur. Quod si à principio aperiantur, dolorē  
diu inferunt, ac curam remorantur: sedatis sym-  
ptomatibus flammam sequentibus curationis re-  
liquum sequatur, non secus ac ulcera aliorum or-  
ta, prout eorum simplicitas, uel compositio indi-  
cabunt,



cabunt, non omiſſis in principio repellentibus, reuellentibusq; , ac reliquis ingenijs præſeruatiuis, perinde ut affectus magnitudo exiget.

De phlegmone.

Cap. . XXI.



**Q**UANTUM nihil omiserit chirurgus eorum, quæ artis sunt, non modò quæ ad proprij affectus curam spectant, sed etiam ad symptomatum prouisionem, nibilo secius sequitur sæpe ut phlegmones affectam partem infectet, uel ob patientis errores, uel eiusdem malum succum, uel morbi magnitudinem; quare quomodo, quibus ue ingenijs huic succurrere oporteat, hîc inferere operæ pretium esse duximus, ne etsi non omnia, quæ ad hoc nostrum institutum utilia esse cognoscimus, describere intelligamus, eorum saltem, quæ maximè sint necessaria, quicquam omisisse uideamur. Hic igitur phlegmonem dicimus inflammationem in parte aliqua nostri corporis ex impetu humoris influentis excitatam. Phlegmon quid. Cum igitur hoc fit, si causa sit aliquis patientis error, is moderandus est. At repellentia affectæ parti, etiam si prouenerit ex causa alia, sunt apponenda, contrarijs uerò retrahentia, ut uincula, phlebotomia, frictiones, balnea, purgatio, præterea quies, ac tenuis uictus. At

H



## DE CURANDIS VVL.

reuellentia (si ratione administrentur) quocun-  
que morbi tempore conferre possunt. At quum  
fluere desinit, quod ostendent symptomatum re-  
missio, ruboris scilicet, & doloris, ad dissoluentia  
transeundum est. Verum non statim per se, ne  
calor reuocetur, sed repellentibus admista, ut pu-  
ta chamamelum, cum oxycrato, uel lactuca suc-  
co, uel polygoni succo, uel cum ijs, similibusque  
mistum, uetustum oliuarum oleum, uel quod cu  
lilio, uel anetho, uel pulegio, uel rutha, confe-  
ctum est, uel alijs eadem potentia præditis. At  
quandoque molestissimo dolores facit phlegmo-  
nes: quò fit: ut ad eos sedandos conuertantur

Dolorem se-  
dantia.

auxilia. Leniunt autem dolores spongiæ in te-  
pida aqua madidæ, uel lacte tepido frequenter  
immutatæ, uel cataplasmata, ex pane uel fru-  
menti farina, uel ex furfure in aqua, uel lacte,  
uel sapa cocta. Hæc autem duplici ratione iu-  
uant, & leniendo dolorem, & aliquid existen-

Quando di-  
scutiendum.

tis materiæ dissoluendo. Dolore remisso, ad di-  
scutientia te conferre oportet, ut furfur, uel hor-  
dei farina, uel rosarum duplum, & camomil-  
læ simplum, in simplo hepseme, & aquæ du-  
plo, more emplastri cocta. Vel Recipe florum

Medicamen-  
ta resoluent.

rosarum crasso modo tritarum onc. iij. florum  
camomillæ. onc. ij. aquæ fontis partes duas, sa-  
pæ partem unam: ad ignem bulliant, & fiat  
emplastrum. Vel Recipe fursuris libram unam,  
aquæ fontis partes duas, sapa partem unam: ad



ignem fiat emplastrum, & calidè applicentur. Magis autem hæc discutiunt, quàm quæ ex glutinosa aliqua materia parantur, quæ suo glutino poros cutis occludentes transpirationem humorum prohibent. Præstantissimè autem discutit ex aqua calida fots. Verùm quum phlegmones, discutientibus præsijs, doloremque lenientibus oppugnat, illam ad suppurationem <sup>Si dissoluentia non prom-  
tendere intelligere oportet: quare eo tempore me-  
dicamentis pus accelerantibus auxilium præ-  
standum erit: sunt enim ea, quæ calefacien-  
di cum humectatione ni pollent: potissimū quip-  
pe id perficit, quod cum calore aliquo glutinis  
institar, cutaneos poros obturat. Hinc fit, ut vi  
suscepta innato calore, expeditè concoquat,  
quod concoqui est habile. Talium igitur medi- <sup>Pus mouen-  
camentorum compositio ex triticea farina cum tia.  
sapa & oleo fit, uel cum aqua loco sapæ, & me-  
lius, si calor multus in particula manifestetur.  
Quod si cum pituita fuerit mistus, humorque  
lentè coquitur, ex farina lini seminis, uel fœnu-  
græci paretur cataplasma: nam ubi calor intrin-  
secus potentior est, externa ope minus eget. At  
quū pus iam collectum perceperis, nisi in magna <sup>Quando pus  
collectū est.</sup>  
sit copia, ad medicamenta dissoluentia cōfugies:  
nam sæpe collectum pus per insensibilem tran-  
spirationem dispersum uidimus, præcipuè si in par-  
te carnosâ constiterit. At si dissolui sine sectione</sup></sup>



## DE CURANDIS VVL.

non possit, secetur ubi cutis tenuissimam se ostenderit: nam ea pars est, quam infimam perpetuò intelligere debemus, in aperiendis apostematibus. Hoc etenim factò, si sinum magnum inuenieris, non penitus pus educes prima die, sed paulatim succedentibus diebus euacuabis. Medicamenta præterea primitus, quæ mediocriter siccent, superponenda sunt, ut cataplasma ex hordeacea, fabaceaq; farina, cum lixiuij parte una, & sapæ partibus duabus incoctis. In cavitate uerò lychnia imbuta medicamentis abstergentibus, cum exiccatione, ut mel cum hordei farina, & puluere ireos, & similibus. Sed quum plerunque phlegmonem gangræna sequatur, oppidò perquam utile erit, nunc de hac sermonē habere.

### De gangræna. Cap. XXII.

Gangræna  
quid.



ANGRAENAM uocamus, cum pars aliqua nostri corporis post uehementem inflammationem ad interitum labitur, nondum penitus extincta: fit autem hoc eodem modo, eademq; materia, atque phlegmones ipsa, hoc duntaxat ab inuicem differentia, quòd scilicet in gangræna ualentius sint impacti humores, et partis affectus uasa omnia ad summum expleta, ita



ut non perinde ac in phlegmone facile uel in ha-  
 litus dissolui, uel in pus conuerti possint. Mul-  
 titudine siquidem potius, quàm humoris mali-  
 tia, in hoc affectu suffocatur innatus calor: quò  
 fit, ut neutrum illorum non modò peragere, ue-  
 rùm neque tentare satis ualeat, sed extemplò in  
 sphacelon migret, nisi ocyus artificis ope leue-  
 tur. Curatio igitur repentè soluere, quod ex-  
 treme repletum est, quo rursus renutrirì inci-  
 piat. Sed, ut id facias, membri nigredo expe-  
 ctanda non est (ut quidam consulunt.) Vanum  
 autem est, auxilium post mortem offerre. Verùm  
 tu quum uideas membrum in magnum tumo-  
 rem, & quoquo modo durum, eleuatum, ac in-  
 flammatum, quod liuescere incipit, nec diminui-  
 tur tumor, neque durties, tunc acu, uel leuius-  
 scula scalpellatione cutem in uarijs locis punge,  
 ut intelligas an sensus adhuc integer sit: nam in-  
 cipit sæpe magis ex una parte, quàm ex alia, pro  
 ut uel situs, uel dolor consenserint: ferè semper  
 membri partem, quæ lecto non præmitur, in gan-  
 grænam primò transire uidebis. Nam sæpe id ob Signa gan-  
 seruauì, quod ratione deinceps comprobauì: pars græne.  
 autem: quæ lecto supersedet, præmitur totius mē-  
 bri pondere. Quò fit ut uasa eiusdem partis diffi- Vna pars ci-  
 cilè repleantur: quare & ultimò gangrænam ex- tius altera gā-  
 periuntur. Si igitur adhuc per omnes membri grænam sen-  
 partes sensus fuerit, & uena aliqua in eodem iit.  
 membro manifestetur, hæc secetur, quantò pro- Cura.



## DE CURANDIS VVL.

pinquius tumidæ parti fieri potest, & sanguinem protinus mitte abundanter, deinde membrum isto uel similibus cataplasmatibus foueatur, Recipe farinæ hordei, lentium, ana onc. sex, floris camomillæ onc. ii. cum sapa, & lixiuio optimo, æquis portionibus bulliant, & fiat emplastrum mediocris consistentiæ, quod crassum, calidumque, quantum sufferre commodè possit, super crasso linteo extendatur, & membro applicetur. Si uerò sensus expers apparere iam cutis incæperit, eam absque mora multis plagis nouacula aperire oportebit, ac tantum profunde, quātum scalpellationes perfectè sentiat, distantes autem inter se duobus digitis transuersis, & per musculorum longitudinem: nam hoc remedio plures liberauimus. Atqui ubi sanguinis ex his plurimum effluerit, infra scripto unguento eas replere oportet, Recipe mellis onc. i. præcipitati onc. ss. misce, & utere, uel loco huius, unguentum ægyptiacum, & similia: uerū dolorosum est, nec æquè bonum, ac primum: ab ijs totum membrum infra scripto cataplasmate denso, ac calente, quantum sufferri potest, foueatur: Recipe farinæ hordei, lolij, lupinorum, & lentium, ana onc. sex, mellis partem unam, sapa partes quatuor, lixiui boni partem unam, & ad ignem fiat emplastrum. Sat erit semel in die similia medicamēta ad mouere, nisi icoris plurimum emanauerit: nam tunc bis in die renouare

Si sit absque sensu.



SCLOPETTORVM. 60

medicamenta licebit. Duobus, tribus uel diebus  
præteritis à scalpellatione, medicamenta, quæ le-  
uius abstergant, cum exsiccatione, & sine morſu  
imponenda ſunt, ut hoc, Recipe mellis ſpumati  
onc. i. terebinthinæ onc. ſ. aloes, farinæ hordei, ari-  
ſtolochiæ rotundæ, ana 3. i. miſce ad uſum. Su-  
praſcriptum autem cataplaſma iuuabit, etſi per  
ſex, uel oſto dies in uſum uenerit, uerùm muta-  
to lixiuio, ut ſcilicet eius loco uinum addas, uel  
ſolum, uel aquis portionibus cum ſapa miſtum.  
At cum plagas abſterſas, beneque digeſtas inue-  
neris, perinde ut reliqua ulcera curanda ſunt, ſar-  
coticis ſcilicet, quoad cutem inducere liceat, mox  
cutem generantibus. Sed nec ab re erit, ſi uali-  
dæ fuerint uires, ad contraria reuellere, ſangui-  
nis miſſione, uel purgantibus. Quòd ſi uirium ro-  
bur ſatis non reſpondeat, ad ea te conferes, quæ  
ſine euacuatione in contrarias partes humores  
euocant, ut balnea calentis aquæ, uincula, fri-  
ctiones mediocriter aſperæ, uiculus præterea (ſi  
uires ferant) tenuiſſimus, magisq; in calidum,  
quàm in oppoſitum inclinet, & ambiens, & quæ-  
cunque apponuntur, ne tamen quid nimis. Al-  
uus, ſi munus ſuum non preſtet, clyſteribus ex-  
citetur. Si tuetur affecta pars, ut reliquis ſibi  
continuis emineat, uel ſaltem non inferior ſe-  
deat. Verum enim uerò non raro cū mēbra in ſide De ſphacelo,  
rationē, aut ſphacelon (ſi ſic appellare mauis) in- & de eius  
currāt, opus labore non indignum nunc me ſuſci. ablatione.



## DE CURANDIS VVL.


pere censebo, si quomodo, & quando illa amputanda sint, ac quibus remedijs mox succurrendum exposuero. Aliquos medius fidius interire uidimus propter ineptiam artificum, tum errantium circa principia tum formidine huiusmodi operis. Quare hic chirurgus exercitatus, desideratur, ac omni formidine spoliatus, intelligens præstantius esse quicquam cum aliqua, quâcumque minima spe agere, & minus tetrum esse, membrum spe conseruandi residui auferre, quàm illo relicto, omni spe dempta, totum corpus sine præsidio tuto interire. Quum præterea membrum spaciellatum inueneris, exemplo ablationi intende: nam facilè continuæ partes corrumpuntur, si diutius moram trahas. Cognoscitur enim nigredine sua, & omninò motus, & sensus deperditione. Nam cum ad ossa, uel profundissimas membri partes nouacula plaga multæ sine sensu fiant, siderati iam membri firmissimum argumentum est, quare scalpellando profundius uersus sanam partem, quo ad sensum aliquem percipiat, percurrèdum est, quò certior fias, quid auferre, & sinere quid conueniat.

Signa sphaceli.

Incisio autem fieri debet inter terminos gangrænæ, & sphaceli. Nam quod omnino emortuum est, totum auferendum est, & quod sensum adhuc aliquem in se habeat, quâcumque obtusus is fuerit, totum conseruandum. Nam id quod gangræna tantum occupatur, in naturalem ha-



bitum referri adhuc potest. At in iuncturis ipsis incisio non fiat, sed infra uel supra eas, sic, ut si quicquam sentiat, puta uel cubitus, uel genu (nam circa has ut plurimum sectiones fieri accidit) infra secare oportet. Incisio autem minus periculosa est, quò magis à principalibus partibus distat, si ipsa ratione fiat. Si uerò penitus expers sensus iunctura fuerit, supra illam sectionem facere oportebit. Age igitur, cum opus aggredi uolueris, sint tibi præsto, quæ infra notantur. Primum ferrea instrumenta ad hoc munus apta, nouacula scilicet, & ferra, quæ & subtilis, & acuminatis dentibus sit, deinde ferrea cauteria igne rubentia. Vtile autem est ex his quatuor parata habere, & ministros duos, qui simul opus præstent, præcipuè si membrum magnum sit, ut coxa, quo celerius liberetur, præsertim si patiens sit imbecillis. Si uerò uigeant uires in corpore, nō inutile erit permittere sanguinis aliquid affluere, libram unam puta, plus, minus uel, ut uirtus, membrorumq; circumstantium repletio indicabūt. Sint enim cauteria plana, leniaq; ac densa, ut calorem diutius conseruent. Sit præter hæc aliud, quo profundius uena (si cōtingat) uri possit, quorum omnium hîc formas exponimus.





## DE CURANDIS VVL.

Sint ab ijs parata uincula uiribus ualida, ne ea trahendo fortius ( prout conuenit, ) rumpatur: alterum, quod duobus digitis latitudine æquetur, alterum uerò huic dimidio, quò fortius stringat: mox fasciæ, quibus accedat medicamentorum conuenientium apparatus, ut rosaceum, cum oui albo, & bolo armena: pro prima cura commodè uisæ parti apponi potest & oxycratum, quo muniantur circumstantes partes.

Ast omnibus sic paratis, ac promptis, ligetur mēbrum supra locum sectionis per spatium digiti transuersi, primò uinculo latiore, & illicò post tenuiore, uerùm stricte admodum, quò sanguis sectis uenis abundantius non effluat. At statim uel una simul contrarias partes uincire oportet, quò sanguis retineatur, ne impetuosè ad membrum secandum fluat, & effluat. Pars autem super sectionis locum pannis in oxycrato infusis inuoluatur, & euestigiò cultro rasorio ponderosa manu sine formidine molles omnes partes super os sedentes sic scindantur, ut ne quicquam infectum remaneat, præter os, quod & ipsum actutum serra amputetur: quo factò, candentibus ferris tota pars secta ponderosa manu incrustetur, ac fortius os ipsum. At si uena aliqua contracta effluere non desinat, alio instrumento pro ea parato uratur: mox ablatis à membro patiente uinculis, cataplasmetur iam dicto medicamento, ac tepido, uicinæ uerò par-



tes frequentius irrorentur oxycrato frigido, si æstas uigeat, amoto frigore, si hyems instet, contrariæ partes modò uinculis, modò frictiombus mediocriter molestantur, ne iam motus sanguis ad imbecillio rem partem transcurrat. Diebus sequentibus, quò crusta decidat, infra scripto medicamento uteris: Recipe butyri non omnino recentis, nec uetusti, onc. xj. lauetur per horam in succo porri, succum bis, ter' ue renouando, cum quo crusta implastretur. Quòd si porrum non adsit, butyrum solum, uel suis axungia, similiter non omnino antiqua, satisficient. Et cum crustam iam separationi uicinam esse no ueris, butyro simplici, uel axungia recentis, mel listantundem immisce, & utere. Illa decisa, medicamentum, quod mediocriter exsiccet cum abstersione, conducet: cui succedant cutem generantia, quæ scilicet potentem exsiccandi sine morfu uim habeant, prout in reliquis etiam ulceribus competere uos (ut existimo) nouistis. Quorum omnium exemplaria infra exponere non pigebit, eorum maximè, quæ familiari nobis usui fuere. Sed uirtuti hic primùm attendere oportet: nam in ijs facile dissoluitur, tum propter dolorem, tum propter euacuationem multam sanguinis, spirituumq; . Quare per horulam ab opere, præter ratione non erit, infusum panem in uino paucifero dare. Nec est tentandū opus stomacho existente famelico: sta-



## DE CVRANDIS VVL.

tim enim molesta syncopi præbendi solent: nec eo repleto, ne cibus propter agitationem corrumpatur, uel in uenas mesaraicas omnino incoctus trahatur. Transeamus nunc ad medicamentorum formas explanandas, quæ tam pro præseruatione, quàm pro curatione nobis cum prospero successu, frequenti usui fuere, à debilio-ribus incipientes, ac omnia breuiter suo ordine disponentes.

Putridam carnem remouentia.

Cap. XXIII.




CARNEM contusam ad putrefactionem accelerant, quæ facile corrumpuntur, uel quæ calida, & humida facultate pollent, ut oui luteum, oleum commune, tum amygdalarum, & quod ex semine lini, uel scenigraci, uel similium fit, præter hæc butyrum, & recens & uetustum, sed hoc magis, uerùm propter eius calorem recens magis laudamus. Axungia porci, medullæ crurium uitulorum, boum, porcorum, & quæ eadem facultate uigent. Verùm ad separationem illam magis urgent, quæ colliquant, exsiccantq; , quale præcipitatum, quod omnibus sui generis præfero, alumen, æris uiride, chalcantum, sandaracha, subli



matum, & quæ ex ijs fiunt medicamenta. Verum horum nullum apponendum esse per se consulo: dolorem nanque excitant plurimum, præcipitato omisso: nam ipsum inter hæc minimè dolorem affert: sed & ipsum cum butyro miscemus. Si uerò hoc præsto non sit, uiride & ustum uel purum cum butyro miscemus, uel chalcantum, uel sublimatum. Sed hæc fortiora nō usui sunt conferenda, nisi ubi magna fuerit corruptela, quæ nec sola ui Naturæ, nec ope debiliū medicamentorum separari nequit. In ijs & egyptiacum dictum unguentum ponimus, quod ex <sup>Egyptiaci cō</sup> <sup>positio.</sup> aceti partibus septem, floris aris partibus quinque, mellis partibus quatuordecim constat: cui quandoque alumē, & sublimatum immiscemus, ut fortius reddamus.

Abstergentia, & carnē generantia.  
Cap. XXIIII.



ABSTERGVNT succus myriophylli, uerbasci, apij, rosarum, plantaginis, chelidonij, terebinthina, terebinthus, uinum, hepsema, mel. Sed quia cū abstergere intēdimus, leuiter etiam exsiccare debemus, istis addimus hordeaceam, uel fabaceam, uel ex lolijs, uel lupinis, uel lentibus fa-



## DE CURANDIS VVL.

rinam, uel aristolochiam longam, uel rotundam, uel iridem, uel rosas, uel graminis radices, in tenuissimum ueluti pollinem redacta. Si ualentius abstergere intelligamus, uel præcipitati, uel aluminis, uel floris æris usti portiuncula toti massæ addemus, uel ægyptiacum appellatum unguentum, uel ex horum & similium aliquibus miscelas conficimus, plus, minusue exsiccantes, uel abstergentes, prout ulcus ipsum ostendit. Nam ubi iam separata est ab utili contusa caro, leniore abstersione, ac leniore exsiccatione egemus, quo deperdita caro regenerari citius ualeat. Nam quæ leuiter abstergunt, modesteq; exsiccant, sine morfu, uel cum minimo, carnis regenerationem non impediunt.

### Cicatricem inducentia. Cap. XXV.



ICATRICEM inducere dicimus quæcunque superfluâ ulceris humiditatem moderate exsiccare possunt, ac, si fieri possit, sine mordicatione, ut balaustium, gala immatura, syluestria poma, uiridium nucû cortex, uesicæ super ulmos natæ, gallæ cupressi in puluerem redactæ, plumbum ustum, tutia, lithargyrû, cerussa, bolus armena, terra Lemnia, alumen, & similia, uel ex ijs confecta emplastra,



præterea fomentum ex austero uino, in quo sint  
cocta, quæ ui pollent adstringente, & siccante, ut  
balaustium, gala, alumen, & similia.

Repellentia. Cap. XXVI.



REPELLENT quæ frigida  
sunt, & quæ adstringenti fa-  
cultate sunt prædita, ut aqua  
simplex, stillatitia, decocta, uel  
succī herbarum frigidarum, ut  
Lactuca, plantaginis, poligoni,  
maioris sedi, & minoris, foliorum, & summita-  
tum, tum rubi, tū uitium, myrtus, balaustium,  
galla omphacitis, omphacium, acetum, mala py-  
raq; syluestria, mespila, sorba, alumen, atramen-  
tum sutorium, & alia huius generis: sed hæc mi-  
neralia cum humidis, ac frigidis miscenda sunt.

Dissoluentia. Cap. XXVII.



DISSOLVUNT quæ calefa-  
ciunt, & humectant, & quæ  
cum calore leuiter exsiccant,  
ut aqua calida, uinum cali-  
dum, omnia balneorum gene-  
ra, modò ea fiant arte, uel natu-  
ra sint calida, emplastra, olea, linimenta ex calidis  
medicamentis, ut anthemis, semen lini, fœnum-  
græcum, mentha, nepeta, serpillum, calamen-



## DE CURANDIS VVL.

thum, pulegium, urtica, melissa, arthemisia, & alia plura, quæ & à Galeno, & Dioscoride, & à reliquis, qui simplicium medicamentorum facultates scripserunt, cognosci possunt, ac experientia comprobari: quibus omnibus facile prudens, ac exercitatus medicus, atque chirurgus, ubilibet ad usum ratione componet medicamenta, pro ut morborum compositio indicabit: nam & hæc inter anodina numerari possunt, præterea fomenta ex calido lacte, uel emplastra ex pane trito in lacte cocto, cui ouorum vitella, crociq; aliquid sint addita, uel furfur triticeum in sapia coctum. At nunc de ijs satis me dixisse censebo, cum locos Galeni recitauero, ubi medicamentorum formæ aliquot à me quandoque hîc nominatè scribuntur, ne pro ijs perquirendis chirurgi plurimum laborent: non libuit hîc illorum compositiones inserere, ne uidear opus maius fecisse ex his, quæ ab alijs scriptoribus diffuse, ac clare fuerant descripta.

Barbarum emplastrum scribitur secundo de compositione medicamentorum per genera, capite uigesimo secundo; & quia illic plures sunt formæ descriptæ, chirurgus exercitatus ipsis utetur, ratione ductus, sic ut ubi magis siccare conueniat, & adstringere, uel tertium in ordine scriptum, nigrum appellatum, eliget: uel aliud Iuliani, quod cruentis uulneribus competere dicit. Quod si minus siccare desideres, uel ubi adhuc  
carnis



carnis deperditæ regeneratio expectatur, primam uel secundam præpones compositionem, inscriptam Barbarum, quo utor.

Quod ex chalcitide fit emplastrum, descriptum reperitur libro primo de compositione medicamentorum per genera, capite quarto: nam & ipsum pluribus modis usui uenire potest, pro ut diuersificatur eius compositio, ut ex Galeni dictis satis patet. Et quia chalcitis non facile haberi potest, atramento sutorio, eius loco utimur: & ubi deest palma uiridis, uel myrtum, uel salicem, uel ulmum eius uice in usum ponimus.

Tripharmacum ex oxeleo, & argenti spuma, primo de compositione medicamentorum per genera, capite septimo inuenies. Isis epigoni si formam optas noscere, ad quintum de compositione medicamentorum per genera, capite tertio, recurre: nam illinc, & ex reliquis libris Galeni, præcipuè qui sub titulo de compositione medicamentorum per genera, & de simplicibus (ut dictum est) medicamentis, sunt inserta, uaria medicamenta tibi suggeres, ad quæ recurrere poteris, si lubeat, oporteatq;. Balani, aut (si malis) suppositoria, ex sapone fieri possunt oleo illita, uel ex radicibus bletarum oleo illita, ac sale aspersa, uel ex melle diu cocto, donec indurescat, cui sint mista, uel sal, uel alumen, uel sal gemma, uel sal nitri, uel colocynthis,



## DE CVRANDIS VVL.

Clysteria etiam uaria fieri possunt: uerum quod communiter in usum uenire potest, tale erit: Recipe mellis despumati, olei communis, utriusque uncias tres, cassiæ extractæ unciam semis, salis drachmas duas, decocti foliorum caulium uncias octo, misce, & fiat clyster: uel loco despumati rosatum mel capere poteris, uel loco decocti foliorum caulium, maluarum decoctum, præcipue ubi minus partes uentris calefacere intelligas: similiter & uiolaceum, uel rosaceum loco communis olei. Quod si potentiora postules, adde hieræ picræ ab uncia semis ad unciam unā, uel diasænici, uel benedictæ laxatiuæ in eadem dosi, uel electuarium rosatum, uel confectionem amech, prout humor euocandus desiderat. Quod si adhuc acriores desideret, unciam unam minoris centaurij, in decocto incoque, uel colocynthidis unciam semis. Præterea decoctum ex ebuli, uel sambuci folijs, uel radicibus, in quo etiam supradictorum aliquid addatur. Verum hæc acriora tantum conueniunt in uegetioribus naturis, in quibus ad illas partes reuulsio potentior cum euacuatione exoptatur.

Et si non sit necessum huic nostri operi purgantium medicamentorum quicquam inferere, profuturum tamen quandoque plurimum existimauimus, præcipue ubi medicus non adesse possit, uel ubi chirurgus per se utrunque præstare audet.



Quod utique secus consulo, nisi & is in propin-  
dis medicamentis uentrem cientibus non medio-  
criter fuerit exercitatus, ne quandoque plus, mi-  
nus'ue, quàm liceat, educat, uel offerat medica-  
mentum, quod uomitum moueat, ubi id cohibe-  
re omnino oporteat: quod quandoque prorsus  
perniciosum est, ut in affectibus, qui circa uen-  
tres fiunt: uel humorem educat, quem fortè si-  
nere præstitisset.

Medicamentum cholera purgans,  
nec uomitum mouens.

**R** Ecipe rhabbari electi & subtiliter pul-  
uerizati drachmam unam, electuarij ro-  
sati Mesue drachmas duas, syrupi rosa-  
ti laxatiui quantum sufficit: fiat bolus, quem  
capiat manè, uel serò, per horas tres ante cibum,  
cui statim superpotet infra scriptam potionem:  
Recipe syrupi rosati laxatiui uncias duas, aquæ  
cichoreæ unciam unam & semis, misce, capiat il-  
lico ab assumpto bolo, hoc medicamentum, quod  
bellè bilem ac serosos humores educet, ac sine  
molestia.

Pituitam ducens sine molestia.

**R** Ecipe agarici optimi nō trochiscati drach-  
mam unam, aloës electi drachmam semis  
cum oxymelite simplici, fiat bolus, quem



DE CURANDIS VVL.

capiat hora electa, cui subito superpotet infra-  
scriptum, Recipe mellis rosati colati uncias tres,  
aquæ decoctionis betonicæ uncias duas, misce,  
fiat potio, quam capiat extemplò ab assum-  
pto bolo.

Educens melancholicum humorem,

**R**ecipe pulueris foliorum senæ drachmam  
unam, agarici, cinnamomi, ana scrupu-  
lum unum, cum syrupo de fumo terræcō-  
posito, fiat bolus, quem capiat, ut supra, &  
ex tempore infra-scriptam bibat potionem: Re-  
cipe origani manipulos duos, agrimonie, cete-  
rach, ana manipulum unum, passularum uncias  
duas, aquæ fontis libræ unam: bulliant ad di-  
midium, cuius recipe uncias tres, syrapi de fumo  
terræ compositi uncias duas, misce: fiat potus: ca-  
piat illico ab assumptione boli, uel si bolum hunc  
deglutire forsitan pigeret, loco eius fiat infusio  
drachmarum quinque foliorum senæ, cinnamomi  
drachmæ unius, in uncijs tribus decocti immédia-  
tè supra-scripti, cui superaddes syrupum de fumo  
terræ compositum in dosi signata.

Omnes hæc medicinae suo loco & tempore ex-  
hibita in corpore, quod mediocriter medicinis pa-  
reat, educant mediocriter, si debiliores, uel fortio-  
res, uel quæ mistim humores educant, desideren-



SCLOPETTORVM. 67

tur, sapiens medicus, tum ex his, tum ex alijs  
multis, quæ in purgādis corporibus usui ueniūt,  
medicamentorum uarias formas, prout humo-  
res peccantes, ac patientis habitus indicabunt,  
componet. Hæc tamen obiter dixisse pla-  
cuit, quisquis uberiores huius le-  
ctionem desiderat, ad eos, qui  
ex instituto de hac ma-  
teria tractare su-  
sceperunt con-  
fugiat.

FINIS.



# T A B V L A.

<i>De modo curationis.</i>	1. 12
<i>De extraneis auferendis.</i>	2. 12
<i>De restauratione perditorum.</i>	3. 14
<i>De causis transmutantibus partes.</i>	4. 15
<i>De cognoscenda, &amp; conseruanda bona partis temperie.</i>	5. 15
<i>De cognoscenda temperie partis transmutata, &amp; curatione eius.</i>	6. 16
<i>De repercussione.</i>	7. 16
<i>De reuulsione.</i>	8. 17
<i>De phlebotomia.</i>	9. 18
<i>De auersione per aluum.</i>	10. 21
<i>De reuellentibus sine euacuatione.</i>	11. 23
<i>De deriuatione.</i>	12. 25
<i>De euacuatione à propria parte.</i>	13. 25
<i>De sanguine supprimendo.</i>	14. 26
<i>De curatione.</i>	15. 29
<i>De curatione uulneris capitis.</i>	16. 30
<i>De Thorace.</i>	17. 43
<i>De uulnere uentris inferioris.</i>	18. 50
<i>De cura artuum.</i>	19. 52
<i>De istsis.</i>	20. 56
<i>De phlegmone.</i>	21. 57
<i>De gangrena.</i>	22. 58
<i>Putridam carnem remouentia.</i>	23. 62
<i>Abstergentia, &amp; carnem generantia.</i>	24. 63
<i>Cicatricem inducentia.</i>	25. 63
<i>Repellentia.</i>	26. 64
<i>Dissoluentia.</i>	27. 64



REGISTRVM.

A B C D E F G H I.

*Omnes sunt quaterniones præter I qui est  
duerniones.*

V E N E T I I S,  
*Apud Franciscum Rampazetum*  
M D L X I I I I.



